

銅仁府志

第一本

縮印銅仁府志緣起及經過紀事

書局藏家書木輒與文獻之恩過武梁書圖乃考冠裳之蹟從來宋祀猶不足徵若屢滄桑益難傳信是知地方志乘關係人文而愛護保存未嘗漠視矣况值閭浮浩劫文化摧殘祕苑珍蕋俄頃灰燼欲觀信史之不勝端賴餘緒之闡揚此本會所以於民國三年有發起縮印府志之舉也考府志清代纂修者有二一爲康熙光緒之際爲徐通政兩其主筆其時海宇昇平人材蔚萃故一郡文獻大備於斯一成於光緒十八年僅喻竹君明經重加修輯物力宏富甄採精詳光大贊皇亦能續紹鴻業居諸日月瞬又五十餘年節以歷時久遠遺佚良多綜什襲於私家類僅存之碩果納楹壁泯沒堪虞重印發行寧容再緩惟是喻輯根遺徐編猶舊書之有宋圖五代史之有歐薛者擅其美並重藝林同印爲勢所不能割愛又莫知及捨爰集衆議詳加研商僉以喻本告成在後蒐集較詳俾流傳喻纂爲當復將原本內之樂章樂譜及唱和詩詞等典志乘藝圖者略事節由本會專存俟日後纂輯地方掌故文徵各圖再行載入事經決議非敢有所軒輊也竊嘆舉辦一事言之匪艱委焉迭更制例乃竟其間時勢既既陟隍非常一切物質復波動劇烈倘非桑梓賢達贊助錫比百朋卽此鉛槧工程停頓屢瀕一篑檢討經過不禁汗流盈幸全部已告厥成將來新志重修得資重本往事參考亦獲泉源實爲地方之幸不僅本會區區抱殘守缺顯幽登潛之微意已也民國三十五年丙戌秋銅仁文獻委員會主任委員謝家修謹誌

定

...

...

...

...

...

...

...

...

...

...

...

...

...

序

自封建易爲郡縣則今之守土古之諸侯也侯國莫不有史如晉之乘楚之檮杌魯之春秋名異而實同今郡縣之有志其卽古史之流歟然後世國史之成每在一代鼎革之餘而郡縣志或數十年而一修或百餘年而一修其急有倍於國史者何也蓋封建之時各郡其國各子其民故蒙業而安因俗而治爲理較易至更爲郡縣朝除暮遷未有十年不量移者卽良有司乍蒞斯土所爲山川之扼塞風俗之純澆學校典禮之留貽民賦兵防之沿革以及忠臣孝子足備勸懲流風善政可資則效者鮮不昧其所宜惟取郡縣志伏而讀之靡弗了然於心如其所素習而由是舉而措之有見爲裕如焉爾則卽謂志爲致治之書未嘗不可考綱仁府志纂于道光甲申鄉先生徐銀台之手迄今六七十年未有繼者余於戊子春來守是邦下車後視職所當爲者次第設施復與郡人士謀及於斯僉曰弗可再緩爰延喻竹君明府胡荷輪選貢膺秉筆之任而以二三君子共襄厥事余亦時至其間相與上下議論往復商榷務期折衷至當卽於是歲仲冬闕局從事迨己丑夏初瓜代期及余不能躬畢其役良用悵然甯人之好善誰不如我行見踵而行之俾得勒爲成書以爲賢司牧之龜鑑庶幾後之蒞斯土者蒙業而安因俗而治雖謂古封建之制至今存可也况推而廣之國史之搜羅一統志之採輯胥於是在殆與古職方之貢太史之陳相爲表裏而因以佐聖明居中宅外不遺遐荒之治詎不盛歟備掌故以修吏職守土者之責也然則斯志之修余又烏乎能已哉是爲序

光緒十五年歲次己丑夏四月朔日關中余上華撰

序

郡縣何爲必有志也昔禹貢撮九州之山川疆域物產土宜與夫田賦職貢道里風氣於一千一百餘言中罔弗賅備嗣是周禮職方氏之所掌班固地理志之所紀準其書而少變焉是卽後世言志者之所祖也銅仁隸黔東偏僻處一隅固與中原大郡有殊然山水明秀蔚起人文其涵濡于國家德澤以漸摩爲風俗鍾毓爲英奇休養生息爲民物之滋豐禮樂兵農爲政治之成理皆不可以不志余於己丑夏來攝郡篆前守余君芾丞方修郡志具有規模不才何幸乃得承乏其後公暇之餘閒嘗至局與纂修喻胡兩君商榷參訂凡所紀載務期毋濫毋宄毋陋毋誣折衷於班固地理之志周禮職方之掌以上追禹貢之賅備庶幾不負余君勩懇懇懇創修之心豈余之不憚煩哉攷舊志修於嘉慶之季今又七八十年矣過此無成久則文獻俱湮其泯滅何可勝道此固良有司之責也余敢讓芾丞獨爲君子乎是年冬余以憂將去任時胡君已作古喻君出志稿請序竊念一行作吏管城子恐弗聽指揮矣雖然以修志之役獲與在事諸君結文字因緣此後南轅北轍天各一方今日之序豈專爲志序乎亦兼以敘宦海之升沉萍蹤之離合而已諸君勉乎哉他日書成尙寄我於瀟湘雲夢間俾得先覩爲快且不啻讀班固之志周禮禹貢之書安見郡縣志遺不足與經史並重也耶是爲序

光緒十五年己丑歲冬月署銅仁府知恩南府事湖南益陽周開銘撰

序

郡邑之有志非僅爲一隅計也將以供一統志之採輯四庫館之蒐羅故上而天文下而輿地以暨人物典禮風俗政治靡所不備體例一準於史是非有班馬之才上下古今盛衰沿革之故其何以總挈宏綱條陳細目綜數千事實約數百里山川於指掌間耶余自翰林改官來黔浮沉簿書中誠無一足述繼任普安有年措置稍裕乃得與彼都人士議修廳志書甫成適奉檄移守銅仁及蒞事詢悉銅志之廢而不修已閱七八十年矣幸得前守余公芾丞觀察設局修纂延郡紳喻胡兩君主之委任頗得其人未幾承余公後者爲前輩周桂午先生守而勿失有如參之於何斯謂莫爲之前雖美弗彰莫爲之後雖盛弗傳殆爲兩公言已余政暇過局索觀志稿其爲書二十卷體例精嚴條分縷晰簡而有要詳而非誣雖武功石湖之志無以過也時胡君已下世筆墨之役惟喻君獨肩其任亦勤劬矣哉余攜有普安志因爲贈冀效切劇其卷端一序出自鄙作頗爲喻君許可且乞所以序銅志者顧念余僕僕爲風塵吏學殖荒落久矣茲乃欲以案牘伎倆序班馬著述不自增慚汗矣乎雖然行將卸篆去有日矣懼無以復喻君命遂灑毫書此忝附於余周二公後以爲之序

書

光緒十六年庚寅仲秋月調署銅仁府事特授普安直隸同知長沙曹昌祺撰

舊志序

西南隅之入中國版圖。黔最後計設府十二直隸同知三直隸知州一知州十三知縣三十四民夷雜處爭
鬪相尋。自前明以來。爲用武地。文獻之徵。僅有全省通志一書。各邑志乘多缺。如使者念之。歎然也。國仁已
未會試。出銅仁徐雨芄師門。下師適以予告。家居而糜朗峯方伯。又與吾師爲兒女親。因以銅仁志爲請。師
謂年力就衰。恐不能善其事。嗣得昂伯敬廉階攝銅仁郡篆。國仁與朗峯各附書敦致前意。廉階又亟商於
前任太守陳春宇春宇亦以此事爲不可緩。因具關公請吾師纂輯之。其載在案冊。飭吏詳查者。爲廉階分
勞而襄辦者。爲滇南鄭藹林。始其事於癸未十二月。至甲申三月。書成。廉階馳寄全稿。公餘讀之。至再三體
例。賅備詞句。雅潔採輯。無漏脫也。援引無支蔓也。銅仁自設府郡。至今幾五百年所矣。其人與事。有可傳於
後者。半銷蝕於文獻之無徵。今得是書。沿流溯源。釐然可考。卷帙雖無多。夫亦可以無憾矣。廉階丐予一言
首其篇。廉階去。接署郡事。爲通州劉向齋亦吾師任少京兆府試所得士。向齋知有是舉。欣然任之。又貴陽
王孝廉味蓮客銅仁。味蓮亦吾師之弟子。工於書。一手繕寫成篇。向齋付之。剞劂兩閱。月鐫工告竣。向齋又
兩次書來。亦欲予爲之序。伏念此編爲雨芄師之筆。而諸君子樂成其美者。國仁所謂游夏莫能讚一詞。敢
言序乎哉。敢言序乎哉。憶去年初至貴州。於地方情形。多有未晰。請質雨芄師來書。有欲與爲福於無窮。只
是相安於無事云。國仁謹銘之。座右又擬延主貴山書院辭。弗就。每念之。方恨負笈之無緣。今得是編。時一
檢閱。如親侍。臯比焉。欣幸爲何如耶。敬書數言。用誌是書所由成。以昭國家久道化成之治。而貴州各郡邑
聞風興起者。當不讓茲事之獨美於銅仁也。撫黔使者中州程國仁撰

舊志序

黔於古爲牂柯荒服相仍必使之歸版圖置郡縣者誠以無黔則粵蜀之臂可把而滇楚之吭可扼王公設險以守其國險之時義大矣哉銅仁處萬山之中爲省治極東北毗連五寨巴十八溪而松桃二營昔隸銅仁者俗名三不管實縮楚蜀之樞是則黔於他省爲險而銅仁又黔之尤險也周禮土訓掌道地圖以詔地事道地厯以辨地物疆理攸分志乘斯作銅仁僻處一隅記載缺如前此有志作於鼎革之初遺漏滋多體例未備考永樂十一年始設貴州布政使領思南思州銅仁等八府暨宣德中省烏羅入銅仁土字版章居然從邾莒之後我國家聲教遠被奮武揆文自康熙之四十二年一平紅苗而設同知駐正大營雍正九年再平紅苗以正大營同知移駐松桃乾隆六十年又平苗而改松桃爲直隸廳迄於今相維相繫偶俱無猜民無劫掠之虞地無誅求之苦含醴詠德咸與維新蓋化澤之涵濡久矣夫田賦租庸疆域形勝實與治道相權衡東南膏沃之區商賈輻輳山林墳澤園廬闕市之所出大府藉以充盈至如銅仁蕞爾遐陬地鮮平原民無積粟馭之得其道則民治而苗亦治黔之民苗治而楚亦治馭之不得其道則蠢爾煽動負固跳梁竭東南數十百州縣之財不足以供軍儲之費反是而思而知不可不求所以治之也余備位黔藩二載思欲修黔志而未遑也徐雨凡通政與余爲至戚時致仕在籍纂修銅仁府志旣成有司屬余爲之序凡十二卷八志六十門發潛闡幽拾遺補缺視前志之寥寥卷帙者頓覺改觀撫斯土者考建置之沿革辨物土之異宜覽風俗之醜良識苗夷之控制實足以增光史乘而裨益臨民旣服其蒐討之勤且愧余之有志而未逮也或曰銅仁者以長官司署有銅八三因以爲名人者仁也漸仁之化於是乎存是爲序藩綽使者秀山麋奇瑜撰

舊志序

甚矣哉時之難乘也天以時而成歲人以時而成務著述亦必以時而成書銅仁郡自改土歸流而後涵沐聖化累百餘年山川闢朗人物敦龐中間節孝忠義比比有人迺僅舊志之本漶漫莫考前此守土者多以公務倥偬未遑議及迨劉仙圃沈蕺山兩郡守留心典故有意纂修值苗匪跳梁軍需旁午後之繼者屢欲經營輒厄他事遂復中止數十年來文章事蹟又幾泯滅於日來月往之中甚矣哉時之難乘也癸未冬余守是邦徐春帆先生賦閒里居余下車伊始即與前郡守陳春宇相商念郡不可以無志亟聘先生修纂時年歲告豐公庭訟簡余爲咨訪舊遺檢查陳牘歸之先生因殫精研慮纂述前聞闡潛德之幽光攬全郡之形要次而天文地理營建食貨秩官武備人物藝文八門共成書十一卷條分縷晰若列眉續有搜葺系以補遺銅仁專乘始稱大備先生之志成矣先生之功偉矣然而蓄志於數十年之久告成於三四月之速匠心獨運囊校者僅藹林鄭君一人其用心豈不良苦矣哉迺甫議開雕余適罷黜劉尙齋郡伯繼來權篆樂成其事捐俸集工適幕中味蓮王君工楷書手錄全部付梓從此郡之山川人物有以乘不朽於將來謂非時之可乘其何能如斯之速且備也先生屬序於余鄙拙不文謬製承命他日裝完賜寄俾觀其成幸甚幸甚

道光四年歲在甲申秋九月前署貴州銅仁府事原任石阡府知府長白敬文序

凡例

一銅仁自前明永樂置府幾近五百年。迨入國朝志凡三修。一在順治末。一在康熙中。最後則道光初。爲徐雨凡通政所纂。方通政纂志時。卽云前志卷帙寥寥。事多未備。今相距又百數十年。中間不可考者尤夥。由是觀之。通政續修已承殘闕之餘。况值退老家居。春秋既高。精力無幾。其事始於癸未季冬。終於甲申暮春。爲期過迫。採輯難。周論者不無遺憾。此次修纂計閱年餘。悉心網羅。成書兩倍於舊。較昔差詳。惟資用不繼。祇此。一三同志相與仔肩。未免有事浮於人之歎。所幸士林諸好尚不遐業。凡有見聞。卽以相餉。參互考訂。集益爲多。至于補苴罅漏。匡所未逮。則尤有望于後之博雅君子焉。

一府志之修。初倡議于前守王公憲。曾梗于輿論而止。及余公上華蒞任。詢悉羣情。踴躍乃擇日開局纂輯。猶慮事有中變。命隨纂隨刻。期在必成。不知著述一途。果欲勒爲成書。往往稿經屢易。方稱善。本况志書之修。其編列先後。條陳綱目。必合全稿。參酌乃能體例。無乖釐然不紊。茲既隨纂隨刻。或應列於前。而探訪所得稍晚。或應入某類。而本條刊刻已完。不能不有錯雜漏遺之弊。書成檢閱再三。可補者補之。可正者正之。其限于所無如何。則惟閱者諒焉。

一舊志建置祇列大概。不過載禹貢入荊州。境秦屬黔中。地漢爲武陵。隋爲沅陵等郡而已。茲爲博考羣籍。證以列史。其間沿革興廢。雖未確見。周知而源流所合。端緒可尋。上自周秦。下迄昭代。歷歷陳之。眉目燦列。並爲沿革表。以附二千年之遷流。可覽而識焉。

一縣治初置卽附府。郭故舊志惟疆域田賦。係屬分載。餘皆合爲一編。今縣志雖移江口。爲時未久。一仍其舊。此後志書之修。或分或合。想踵事增華。異日必有高明者出而酌之。

一舊志圖說所繪。僅存形似。及四至界限而已。山川水道。既欠分明。洞鄉塘汎。名目亦未載列。直若空空。畫幅茲仿輿圖。開方以十里爲一方。眉目較清。其外縣之插入境內者。百有餘所。尤必細細注出。以資守土者一覽。而得擇要設防。按籍徵賦。均關兵農大政。用加詳焉。

一舊志學校無專門。殊未賅備。郡縣之設。首重教化。學校實爲先務。安可闕如。茲於廟制規模。祭祀典禮。先

賢先儒事蹟暨其從祀年月一一臚列誠以郡隸邊隅見聞稍隘故不惜遠引博徵甯繁母簡至於書院考棚藝塾培文局凡事關學校者咸以類從俾有所統

一舊志兵事仿通志作師旅考茲易爲記兵質言之也郡自咸豐五年以後教匪未清苗氣熾熾境內無口不有賊蹤起滅無常勤防互用如縷晰陳之前後二十餘年幾有書不勝書之勢今擇其有關大局與郡城安危相繫者撮要紀之非有意從略亦體制宜爾也覽者尙其鑒諸

一自道光季年軍務盡興文武員弁沒於王事者不少欲皆編次列傳藉爲表揚又或僅傳姓名事實無徵更有疊次出師陣亡兵勇惟餘名籍可稽他無所見茲則無論員弁兵勇但係效命疆場爲國捐軀一一採入忠義其中節烈昭著勳績可述者另爲注明行詳列傳以示區別此外事實雖闕姓字猶芳瀛氣英光何嘗不並存宇宙也

一舊志於前輩名宿及先達諸公祇數人有傳列入藝文外則流風餘韻一無存者茲將藝文所載改作列傳其他廣爲蒐羅或我生之初目觀典型或故老相傳耳熟梗概悉爲紀述附於列傳雖繁簡不一而溯厥風徽均堪不朽惟前明諸賢事實大半無考如陳氏饒氏一門羣從科第蟬聯乃皆聲聞寂寂要亦文獻無徵之故然有遺蹟可尋必爲採錄未忍盡付湮滅

一列傳中有一人兩載者如楊燦旣見治行復入忠烈蓋其人其事各有難泯則分著之而詳略攸殊兩不相掩閱者勿以重複見譏餘如此例

一列女中節孝貞烈其得諸見聞親手編纂者無多餘皆自城鄉採訪彙送敘次不無冗瑣特登潛閣幽未便塗乙惟詞不達意者稍爲疏明要之亭出數乎則參差不齊先後失序弊所不免閱者鑒之

一編撰列傳他志於見在之人不錄必俟蓋棺論定乃爲有準所收藝文如作者尙存卽爲屏去恐涉標榜二者非不允當惟我郡僻處傑出無多體例過嚴則可採愈少但使其人有堪紀述足信無他其文頗有發明足垂不朽將襄揚所及正以許其已至勗其將來勸晚節而保令名自愛者必加勉焉

一編選藝文其已載舊志者如一人之作所存尙多則留其佳者而未盡善者刪之不失成人之美如一人

所存無多雖未盡善不敢輕去恐沒其文卽沒其人非所以忠厚存心也茲於舊志藝文遇有字句微瑕略爲刪潤非敢僭妄抑以引嫌太過轉非古人相望之心此中委曲覽者必能原之

一藝文所收今人之作必關繫闡揚標舉名勝或於治亂廢興可資考證者方與其選其餘吟風弄月濫作八景詩者不錄惟前哲所留不在此例非但存文實所以存人也未可一律而論

一雜記一卷附于志後凡屬漏遺及列于各門容有未合者均補錄於此又本郡軼事足備勸懲而資考鏡者亦略登一二其間或熟于耳聞或得之目擊尙非無稽之談卽流傳小異但於大體無乖覽者亦不必強求其合轉滋聚訟

一修史具有三長而修志宜兼兩事蓋考據著述不可偏廢無考據之學則援引失實辦體不精無著述之才則敘次繁蕪敷陳鮮當貽譏識者莫此爲甚茲因亟於修纂以刻不可緩之圖爲就地衡才之見隨舉一人承乏其間汲長綆短竭蹶時形非任此者敢冒昧從事惟念舊志之修迄今七八十年未有繼者中間喪亂疊經孝子仁人忠臣義士哉待表彰過此不爲久將悉付泯沒籌慮及斯怒焉滋懼益以賢侯雅意難違同儕勸駕維殷此秉筆者所爲責無可貸明知百出瑕疵難彌指摘而比諸免園以爲底本他日作者踵興從而刪潤較之毫無憑藉者不易爲力耶區區之心祇此而已知我罪我其兩聽之

繪圖

癸酉科拔貢候選直隸州州判

辛酉科拔貢候選直隸州州判

前銅仁協守備署理都司

督刊

署銅仁府經歷

署銅仁府經歷

銅仁府經歷

銅仁府移駐萬山吏目

銅仁縣典史

胡長松

楊儲英

王國昇

馮培德

范祖年

胡應奎

蔣太和

王嗣鼎

銅仁府志總目

卷一

天文 星野 氣候 災祥

卷二

地理 建置 圖說 山川 疆域 形勝(十二景增)
關梁 風俗 苗蠻 古蹟 塚墓

卷三

營建 城池 公署 壇廟

卷四

學校 上 學校 中

卷五

學校 下

卷六

食貨 戶口 田賦 課程 經費 獨卹 積貯 牧產

卷七

物產

卷八

秩官 名宦 土司

卷九

武備 兵制 配兵

卷十

人物 選舉 鄉賢 恩蔭 行伍 軍功 授例 忠義
壽考 列傳 列女

卷十一

列傳 治行 文學 武功

卷十二

列傳 忠烈 孝友 義行 隱逸 耆壽 流寓 方伎

卷十三

列女 節孝

卷十四

列女 貞烈 賢明 才藝

卷十五

藝文 敕諭 疏考 辯議

卷十六

藝文 序

卷十七

藝文 記 紀事

卷十八

藝文 跋 引 畫 啓 行狀 墓表 墓銘
銘 賦 誄 文

卷十九

藝文 詩

卷二十

雜記 (書後附)

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一

卷一







銅仁府志卷一

天文星野 蒸候 詳其

星野

周禮保章氏以星土辨九州之地法所封封城皆有分星由來尚矣分野之說非出不經然中國不畫地球而經星盡乎天度必執一隅之中國以配周天之經星豈畫臆合儒一行有精氣相屬不繫方隅之論其說雖善究鮮肯歸推證之前明揚州為參井分野萬曆庚子狼星入於參井占者以為滅播之象已而果然則固非無徵已自來賢家據地文家據天攷星經而詳分野亦志乘所不廢志星野

南 方 朱 鳥




黄河

欽定四庫全書 卷之六

七宿全圖

分野歌

折木燕京大梁趙
 廉譽為衛魯降婁
 鶉百奏兮鶉尾楚
 大火宋兮鶉火周
 吳越星紀壽星鄭
 青齊元枵實沈晉




同二守志

星野

二


翼 軫 分

翼二十二星十九度四十一分位次已近太微垣翼
 明禮樂興四夷賓服
 星經曰二十二翼如飛勢上五下五中元氣天子樂
 府主聲名東甌五黑翼下是



野專圖

軫四星十八度位次同翼明則天下昌海內昇平
 星經曰軫宿四星中長沙左轄右轄分上下軍旁三
 十二器府土司空對青坳界



鵝尾宮度表

辰在巳荆州分野 按今翼軫宿度東行
入辰宮者已三之二故表未並詳辰宮

漢 劉歆三統

魏 陳卓景初

晉 皇甫謐世

唐 僧一行大

明 大統歷自

歷自張十

歷起張十

紀與景初

行歷初張

張十七度

十一度至軫

七度至軫

歷同

十七度餘

至軫十一

費直周易

十一度

千七百九

說起張十

七度至軫

十五秒二

三度至軫

七度至軫

十二火中

七度至軫

七度至軫

翼十三度

蔡邕粵令

七度至軫

終軫九度

章句

七度至軫

十二度至

七度至軫

軫六度

七度至軫

國朝

嘉慶二十三年歷巳宮起星五度十五分至角八度四十分

按巳宮即鵝尾宮西洋人稱為室女宮又名雙女宮辰宮即壽星宮西洋人稱為天秤宮

鶉尾宮度表 辰在巳荆州分野 按今翼轸宿度東行 入辰宮者已三之二故表末並詳辰宮

漢 劉歆二統 歷自張十 七度至軫 十一度 費直周易 說起張十 三度至軫 七度 蔡邕月令 章句起張 十二度至 軫六度

魏 陳卓景初 歷起張十 七度至軫 十一度

晉 皇甫謐世 紀與景初 歷同

唐 僧一行大 衍歷初張 十九度餘 千七百九 十五秒 十二火中 翼十三度 終軫九度

明 大統歷自 張十七度 至軫十一 度

國朝 嘉慶二十三年歷已宮起星五度十五分至翼八度四十五分辰宮起翼八度四十六分至角八度 四十分 按巳宮即鶉尾宮西祥人稱為室女宮又名婦女宮辰宮即壽星宮西祥人稱為天秤宮

翼度

軫度

翼度

軫度

翼度

軫度

唐開元十九

十八

崇甯二十

十八半

太平十九

十八太

宋建隆十九少

十八太

元至元二十 零九

十八五分

天聖十九少

十八

咸平十九半

十八太

明崇禎十七

十三零三

元祐十九半

十八太

治平十九半

十八太

國朝 嘉慶二十三年歷翼十六度五十九分軫十三度五分按黃道宿度古今不同今以象限三百六十 度推算度數較古稍闊明崇禎時亦用西法而今度又增減一二分宜明疑恆星行亦有遲速也

步天歌

翼宿 嘉慶二十三年歷起巳宮二十二度終辰宮七度舊有東臨五星今

二十二大難識上五下五橫著看中心六箇恰似張更有六星在何處三三相連張畔附必若不能分處

所更請向前看野取五箇黑星翼下頭欲知名字是東臨

四宿 嘉慶二十三年歷起辰宮八度終度舊有單門二星土司空四星器府三十四風字俱無又青邱子七星今

四星以張翼相近中央一箇是沙子左轄右轄附兩星軍門兩黃近翼是門西四箇土司空門東七鳥青邱

子青邱之下名器府器府之星三十二已上便是大微宮黃河向上看取是

翼軫占驗

翼為羽翮主遠客 史記天官書 翼為天樂府又主夷狄亦主遠客占明大禮樂興 史記 翼天之樂府俳倡

又主夷狄遠客負海之寶占明大禮樂興 晉書 夷寶動則蠻夷使來 晉書 月蝕在翼歲旱歲星蝕月在翼

楚地饑黑雲貫翼 晉書 荆楚水星孛於翼近太微上將寶興有災 晉書 翼星明大明君臣良禮樂興天下平

日暈翼禮樂壞月暈大旱多風士卒遁走木守之王者大興賢臣進用火守之五穀不熟土守之君明臣良

金守之事不成兵起水守之魚鹽貴水星色白京師兵起色黃事成客犯之國有兵流犯之亦然彗星犯之

有兵 步天歌 翼動搖則蠻夷使來日食王失禮忠臣見譖為旱災暈樂官黜上有抱氣敵心欲利月

食亦為忠臣見譖飛蟲多死北方有兵歲星犯五穀為風所傷守之王道具將相忠文術用逆行入之君好

田獵焚惑犯之其分民饑臣不從命邊兵起太白入或犯之皆兵起辰星守之旱饑民流龍蛇見客星入國

有兵一日貫海國有史來流星入天下賢士入見南夷來賓國有賢臣赤雲氣出入有暴兵黃而潤澤諸侯

來貢 宋史天官志 軫為車十風 史記天官志 軫四星居中又有二星為左右轄車之象也軫與巽同為位風車動行疾

之象也 史記 軫主冢宰輔臣又主車騎又主風占明大則車騎用長沙一星在軫中主壽命占明主長壽

子孫昌也 史記 軫主冢宰輔臣也主車騎主載任有軍出入皆占於軫又主風軫星明則車駕備動則車

駕用轄星傳軫兩旁主王侯左轄為王者同姓右轄為異姓 晉書 翼軫距極度數並各度占驗翼距極百

翼軫距極度數並各度占驗翼距極百

四度凡十八度 二度勢一星距極三十一度爲刑餘之人明則闈臣擅權占勢星甚明權歸北庭 三度
虎賁一星距極六十四度主侍從武臣不宜變 八度器府三十一星距極三十七度半爲樂器之府亦
爲百工之府從官一星距極六十四度爲待從之臣見則帝不安守常則吉九度天理二星距極三十八度
爲天之元氣造化萬物之理明則天下有道見之福壽 十度屏四星西南距極八十度在帝座南所以擁
蔽帝廷者主執法刺舉明潤則吉設於路門天子立其前 十一度天玑一星距極三十度爲北斗第三
星爲令星主福壽太子一星距極六十六度主儲貳明潤則太子美 十二度右執法一星距極八十四度
爲御史大夫之象占云客犯執法法臣坐法 十三度五帝座中距極七十一度四星夾皇帝座東蒼帝南
赤帝西白帝北黑帝五帝同明天下歸心金火守天子致討又爲天子日視朝之地 十四度天權一星距
極三十二度爲北斗第四星主伐無道土司空四星距極百二十度主田土主邊城地界又主梓人與人之
事明則天下平 十五度俸臣一星距極六十六度半爲常侍內官明細則吉 十六度右轄一星距極百十
度半爲轄車之象主任載明大則法駕備車騎用太白守之則文儒失業又主異姓王侯 十七度卽位十
五星西南距極六十度卽今之尙書郎中其星大小相均光潤有常則吉 十八度 軫距極一百三度凡
十七度 一度左執法一星距極八十六度爲廷尉之象謁者一星距極八十三度主贊賓客明則四國來
賓 二度軫四星主冢宰輔臣 三度內五侯五星距極七十度爲畿內諸侯主刺奸察得失明潤有常則
吉 四度天相三星距極三十三度爲大臣象亦爲世婦之職主朝服之制 五度左轄一星爲天車明大
則法駕備車騎用右轄爲同姓諸侯青邱七星距極百二十四度車主東方 韓之國明動則外國叛 六
度三公三星距極八十四度內座朝會之所爲輔弼之星主變理陰陽弼君機務不宜移徙 七度三卿
三星距極七十六度 八度 九度天衡四星距極三十八度爲王府關石和鈞主陣兵不見則兵起 十
度左籓按東籓五星一左執法一上相二次相四次將五上將郎將一星距極四十七度爲武衛之官忌明
大芒角 十一度南門二星距極百二十七度天之外門主守兵以明正爲吉十二度內廚二星西南距極
十九度主六宮飲食居常則吉 十三度軍門一星西南距極十五度爲天子六軍之門主營衛不宜移動

占云軍門移處盜賊塞路 十四度 十五度庫樓十星西北距極百一十二度為兵車之府庫中衆星實則兵強虛則多叛逆搖動則將帥皆行 十六度天門二星西距極百四度半天之南門為朝聘待客之所占之天門宜明邪佞不生 十七度平星一星西距極百二十度車為廷尉象 平天下之法獄宜明正為吉

熒惑占驗

吳楚之彊候熒惑於鳥衡 鳥衡柳星也 史記天官書 熒惑王揚州荆州交州 漢書志注 熒惑 司空又為司馬主楚吳越以南 晉書

天文 熒惑色赤循軌天下又安年穀順成變色災又熒惑犯歲星在翼歲旱 唐書 熒惑主楚越 通鑑地理志

北斗占驗 北斗九星二常隱七

北斗七星一樞二璇三機四權五衡六闕陽七搖光衡星主荆州以五卯口候之丁卯為武陵 荆仁漢屬武陵郡此以北斗五

占楚 北斗星明主天下昌 星 接黔地古列荒服以史傳攷之銅仁 郡歷三代皆荆州南境周禮鄭注十二次

之分謂鶉尾楚也史記天官志及漢地理志亦謂楚地翼軫之分南方朱鳥七宿惟翼軫屬荆州故通志謂

鎮遠思州石阡思南銅仁黎平皆翼軫分野乃一統志則云銅仁星星分野沈思充通志云銅仁柳鬼之餘

郭子章黔記云黔地連楚蜀總之不出鶉首鶉尾之次又云黔實近荆州屬柳鬼近似之互參衆說頗

有異同晉書天文志自張十七度至軫十一度為鶉尾於辰在已楚之分野隋地理志所言亦同唐天文志

翼軫鶉尾也初張十五度餘千七百九十五杪太中翼十二度終軫九度自房陵白帝而東盡漢之南郡江

夏東達廬江南郡濱彭蠡之西得長沙武陵又逾南紀盡鬱林合浦之地又自沅湘上流西達黔安之左皆

全楚之分黔安今思南府武陵今常德府唐地理志謂武陵 奄及辰沅西及永順保靖宣慰司以道理計之

銅仁距常德不出千里其度自與武陵同况自東井十六度至柳八度為鶉首秦之分野屬雍州自柳九度

至張十六度為鶉尾周之分野屬三河與鶉尾楚之分野屬雍州皆不逾楚分荆州境然則

鬼近似者皆非定論銅仁在周為楚地漢屬武陵唐為錦州盧陽郡宋為錦州皆皆不逾楚分荆州境然則

銅仁分野仍當以翼軫為斷

氣候

一元默運四序循環而月令紀時葭灰驗氣順時以勤民事胥在是已郡居重巒疊嶂中一日之間雨暘不齊即寒暑頓易然多山田瘠土雖差淫雨赴瀉灌溉潦不為災惟久晴則非所宜故黔稱天漏或亦造物者

寶之膏澤天心仁愛不遺遐荒蚩蚩者氓尚其乘時力作用臻康阜因並附以農事之宜志氣候

正月多雨雪迤寒無異殘臘元日宜陰立春日宜晴田家以是驗一歲豐歉忌雪裏雷諺云正月雷打雪二月雨

上雨水節分栽樹木花果移植扦插無所不宜是月也雇長年糾犁驅牽索整田器挑沙砌田坎始秋乾田

打土理溝一月櫻桃及桃李杏次開花每一花開必極寒一二日謂之釀花其風甚厲是為花信風驚

蟄宜陰冷諺云凍蟄春分宜小雨諺云驚蟄鳴雷禾似泥春分有雨病人稀是月也添冬水整水輪出牛糞始犁水田 三月清明多

陰雨亦間遇暴熱掃墓士女搖箒著單縑衣猶揮汗者有之農人於節前後以水浸穀種散之田中逾月則

秧高三寸許始分插阡陌中是謂清明秧遲則為穀雨秧清明宜晴穀雨宜雨諺云清明要晴穀雨要淋是月也糞秧地下

種點大春曬秧水 四月乍寒乍暖分秧插田多在立夏前後立夏宜雨諺云立夏不下滿宜雨是月也

天寒忌烈日諺云栽秧雨是月也車水掃秧蟲收胡豆穫麥浪田始薅大春 五月多淫雨溪澗皆盈競渡恆

逢江漲謂為端午水晴明亦間有之端陽後始無大寒諺云吃了羊角樓樓把寒衣送端陽夏至皆宜雨是月也栽秧畢穫菽

朗高粱包穀薈頭秧早爛田 六月極炎蒸恆彙旬不雨亢旱多在此時或有行雲於烈日中灑雨點相映

如珍珠必產螟螣田家往往就社壇設祭禳之小暑宜雨忌雷諺云小暑一雷是月也鋤豆薈二秧車水始食

包穀 七月立秋日得雨為順秋可免秋旱忌不雨諺云立秋雨不晴又朔日宜晴諺云七月初一晴八月無雨穀場

花時忌午時風諺云怕老米是月也薈蔗打茅神放水田儲種小春點秋菽諺云白露不低散草上草樹蒺殼包穀小

月朔宜陰白露宜雙日忌風雨落黃沙諺云一日黃沙三日晴是月也穫穀諺云頭種取吸散草上草樹蒺殼包穀小

谷豆畢收始犁板田 九月重陽多雨登高日恆值西風淒厲寒露霜降皆宜晴霜降後如次晨有霜其夜

必寒甚非輕絳半臂莫能禦之是日也點小春曬谷 十月名小陽春間逢和暖雖春夏花卉亦有偶開者

立冬日宜晴忌久雨爛豆麥自是漸寒可炙爐田家燒柁拙禦冬小雪後北風懷冽鄉村滌場畢是月也收

秋菽苴牛欄

苴音

斫柴馱刺整籬

聲

始開山田

十一月大雪宜雪微特三白兆麥且次年五六月雨水於

此占之得雪則來歲豐稔亦有深至數尺陰巖峻嶺彌月猶未消融是月也撈葉搨槽頭 十二月小寒大寒皆極凍水結爲冰遇晴日正午氣稍溫煦是月也看冬水護林整屋蓋牆

祥異

王者不言符瑞而君子首重修省洪範徵休咎周官察妖祥所爲盡人以合天也在昔堯憂昏墊湯禱桑林水旱之災無損盛世自漢而後景星慶雲之見醴泉芝草之出史不絕書而治不逮於古蓋人道邇天道遠降殃降祥理有不誣要在人之善爲會爾茲攝其可紀者志祥異

後漢獻帝建安十二年十月星孛於鶉 晉惠帝光熙元年五月枉矢西南流 晉懷帝永嘉四年十月大

星西 流墜有聲 晉穆帝升平四年十月天狗流於嶺南 齊武帝永明六年熒惑逆行入於太微 宋

仁宗元祐元年八月星孛於張翼宋神宗熙寧八年十月彗星見於軫 宋孝宗淳熙十三年八月日月五

星聚軫 明正統九年苗民饑發粟賑之 明景泰二年夏大熒 明宏治十五年夏城中火 十八年夏

大水明 嘉靖四年鶴雀來巢文廟育二雛 十八年秋豹夜入室曉獲之 十九年三虎吼於東山之椒

地爲之震越四夕復如前 二十年白燕集於民舍羣燕隨之 二十八年十月演武廳操兵羣雀翔集鎗

槊弗去鹿入陣中 隆慶三年十二月大雪雹如雞子大損屋折樹 萬曆十年夏六月有鳥集文廟其聲

如雷號曰柳魚後闖郡火 二十四年大有年 國朝順治十三年遠近喧傳有抹臉術中夜面皮忽失去

如剝男女圍坐不敢寢無故自驚 十六年大旱斗米一金 康熙元年大有年 四年夏六月城中火延

燒甚衆 十一年七月流星赤烏大如斗自南墜翼軫間其聲如雷 十二年十一月彗星見西南三角刺

目 十五年大疫 十九年冬十一月嶺尤旗見自西北竟東南月餘乃滅 二十二年城中火室廬焚其

大半嗣此或熈或起怪異莫測十月方止公署民居城樓營房悉燬 二十五年大有年 二十八年秋七

月天火發風雷交至兵民房屋頃刻俱燼幸存者百不獲一甚有全家皆沒於火亦有存亡各半者男婦被

難不下二百餘人巡道公署行館官舍暨趙景福捐修縣治俱焚燬無遺一時上下露處棲止無地從來火

災之慘莫甚於此 雍正元年大有年 四年五月徐姓檐瓦生臺閣蓮 七年慶雪見嘉禾生有一莖兩

穗至十五六穗者穗四百粒至七百粒穗長尺有奇 乾隆二十四年彗星見東方指西長數丈至八月十

四日滅 四十二年彗星長數十丈 五十八年四月晦螢火出神鳳山下岔浦叢飛流光閃爍照耀同於

祥異

白晝漫延至沙帽巖又迤邐逾養馬池而止池在都司署後如火如荼郡人聚觀咸以爲異如是數夜經雨始滅越二年有逆苗石柳鄧之變五十九年十二月太平汎民家聚產子九首八脚六十年正月二十七日天將明東南一星大如斗光芒閃爍墜而復上者三又一星形有三稜亦然旋墜入村寨移時逆苗焚掠火遂發嘉慶二年二月十五日五色雲見西方四月十二日日暈五色三重十六年七月彗星見九月始滅二十五年旱道光元年旱大饑斃者枕藉於道二月二十七日夜流星自東來大於蓋色赤黃長十餘丈闊三尺許西行聲如輕雷五年七月彗星見長約二丈六年九月初二日有元鶴來集大成殿右柏樹上一小鶴隨之八年銅仁協左軍千總張文貴妻胡氏一產三男十一年七月十四日日光藍綠入室如凍青色竟日失明二十四五兩日如之十八年七月彗星見南方十九年二月二十二日日出雲暈五色六月虹見西北色赤白經旬乃滅二十九年正月十四日十字衝火延燒四五十家三月初六日大風雨雹大如卵屋瓦皆穿山木爲拔五月大水六月大饑斗米值四千錢餓斃甚衆府縣發倉粟賑之三十年五月疫咸豐元年三月二十二日大風雨雹如雀卵八月十二日彗星見西方十月二十日太白晝見二年八月十二日府署堂鼓自鳴九月十三日彗星見東方三年二月十五日地震微有聲約半日震止四年遠近傳有妖人割小兒勢以紅裹肚圍之乃免五年十月十四日赤虹夾日十一月民家所畜雞無故皆翦去兩翼八年七月彗星見西南光芒數十丈經旬乃滅九年雞伏卵成人形五官皆備又有成馬形者十年十一月彗星復見十一年十二月大凍積水皆冰春正未融盡同治元年大饑二年三月有豺噬人無算四月有蟲類蜻蜓而大張兩翅如摺疊扇噉人立斃好事者繪爲圖使人戒備之五月初三日水及城墻六月北門內黃姓菜圃有瓜二重十餘斤如兩龍相鬪狀鱗鱗宛然八月十六夜北門外火延燒甚衆三年六月初六日太白晝見是月江南平七月初四夜虎吼洪氏園冬大雪四年八月十五亥時月暈五色相間形如太極西南祥雲輝映逾時始滅八年六月大饑七月初二日大水諸天閣佛像被水漂沒舟泊城內九年五月大水十一年三月初一夜雨雹如雞子大十二年二月十七日雷擊縣學崇聖祠是科鄉試獲中四名五月彗星見白

水洞蛇關三日 閏六月初六日地震 光緒元年十月三十日十字街伍姓火延燒二十九家 一年十月十五日中南門黃姓火延燒四五十家城樓亦燬 七年正月二十三 北門錢姓火延燒三四十家未幾道坳上火未幾當舖着又火月內火災疊見居民一夕數驚不敢安寢 三月雷擊三義宮 七月彗星二一見西北一見天中 九年十月中南門火延燒四五十家曾姓男婦四人被焚死 十年二月張姓牛廬雙犢 七月彗星見北方 九月寨杉洞楊鏡光妻王氏一產三男 十一年八月嶺尤旗見 十二年四月初七日豺入城 四月二十八日城南飛山廟側火延燒二三十家 十二月二十三日大雪明年正月二十四日始霽平地深數尺 十四年三月遠近復傳妖人翦雞翼 四月妖人髮辮 七月大疫傳染死者甚衆相傳有人置毒井中飲者立斃鄉民晝夜輪守十月浮言始息 八月柵木橋饒宗亮妻劉氏一產三男 九月二十三夜福仁坳火延燒十餘家 十六年五月極熱 六月久雨寒甚境內大疫死者恆少

建置

銅仁自秦漢以來或郡或砦或司沿革不常至明始定為府居荒陬而考疆圍尋檢推求未易精核况漢開邊郡兩晉漸非版圖唐關洞蠻五代仍歸淪陷輿地諸書言貴州者非夜郎即且蘭其實皆虛揣擬愈無確見遞相仿據絕失本原茲編博採詳稽二千年之大概少覺端委可尋若云確知某為某地不失尺寸則亦未敢膠執願以俟之博雅者志建置

銅仁府建置表

國朝	唐虞	漢朝	唐虞
光緒九年 移治江口	周		禹貢 周 秦 漢 三國 晉 宋 齊 梁 陳 隋 唐 五代 宋 元 明
	秦		荆州 荒裔
	漢		馬 關 楚 於 中 武 陵 屬 蜀 屬 荆 屬 楚 郡 吳 壽 州 州 郡
	三國		
	晉		
	宋		
	齊		
	梁		
	陳		
	隋		
	唐		
	五代		
宋			
元			
明			

州仁置仁裁萬司長銅
郭縣綱司躬展司官仁

銅仁府志 卷之二

建置 一

禹貢荊州荒裔

按通志貴州爲禹貢梁州之南裔荊州之西鄙周武王克殷以巴濮楚鄧爲南土屬巴濮地成王合梁於雍又爲雍州之南裔禹貢雖指梁州下青徐二州殷周迭爲有無獨梁則二代皆無之遵義志謂武王伐紂誓師牧野諸侯會師者稱之曰友邦冢君而庸蜀羌髳微盧彭濮則曰人不足以諸侯待之傳曰八國皆蠻夷戎狄屬文王者正義曰此皆西南夷也通典曰梁州當夏殷之間爲蠻夷之國所謂巴蠻彭濮之人由是觀之殷周之世梁地大半變於夷故此州遂廢先儒多言梁并於雍惟賈公彥云雍豫皆兼梁地林少穎又云江漢發源梁州而職方爲荊州川則荆亦兼梁此言尤爲精核蓋殷周之制豫皆以漢水爲界梁州之地自瞿冢以東分屬荊豫而瞿冢以西則雍兼之其地皆爲蠻夷雖并於雍而梁州之山川無一入職方者大抵如唐宋之羈縻州元明以來之士司其政令寬其賦斂以柔擾之使爲不侵不叛之臣而已建州設牧非其所宜故終殷周之世梁州不復置也荊州下通典所列黔中甯夷涪川播川夜郎義泉溱溪七郡皆梁南徼外蠻夷非古黔中地不在九州之限元和志黔中本漢涪陵縣理至晉永嘉後地沒蠻獠周保定四年以地置奉州續改爲黔州隋大業三年改黔安郡因周隋州郡之名遂與秦漢黔中地犬牙難辨然則此數州者皆梁南徼外蠻夷其東有峻嶺爲限荆當不越此而西斗入六七百里總因黔中名亂嶺東嶺西混爲一道杜氏遂有此誤

周屬楚

按史記西南夷傳楚威王時使將軍莊蹻將兵循江上略巴黔中以西蹻至滇池方三百里旁平地肥饒數千里以兵威定屬楚欲歸報會秦擊楚巴黔中郡道塞不通乃以其衆王滇變服從其俗以長之華陽國志周之季世楚威王使將軍莊蹻泝沅水出且蘭以伐夜郎種牂牁繫船於是且蘭旣克夜郎又降而秦奪楚黔中地無路得返遂留王滇池以繫船因名且蘭爲牂牁國遂侯支黨傳數百年遵義志謂史記止言莊蹻略巴黔中以西蹻伐夜郎自常氏志始以史漢言南夷君長夜郎最大推之意自春秋以後所謂夜郎旁小邑如且蘭漏臥等國必皆受夜郎屬制漢孰與大之問不待見漢使已如此矣自其地所屬

言之則有且蘭諸國范氏所謂國各立君長者也統言之則止言夜郎故范氏謂其國東接交趾西有滇國北有邛都國然則躡略巴黔中以西直至滇池皆夜郎國地也當時銅仁在夜郎東南相踰不過百里躡之兵威未不及者其時地之屬躡可知矣後漢書莊豪從沅水伐夜郎軍至且蘭椽船於岸而步戰可見且蘭爲沅水所出又可見其疆域必至今沅水上流可通舟楫之處故莊豪水軍得達其地而椽船也沅水卽今貴州鎮陽江源出黃平州歷施秉鎮遠又歷青谿玉屏入湖南晃州今之泝沅入黔者舟可抵鎮遠城下莊豪時水道當無異然則銅仁實故且蘭境也豪史記作躡後漢書作豪威王後漢書作頃襄王通志謂威王於周顯王二十年立至四十年薨在位十年後歷顯王八年慎觀王五年至赧王三十五年秦取楚巫黔中郡相距四十八年如躡爲威王時事則躡在滇五十餘年何以淹久不歸再考頃襄王立於赧王十六年距秦取地十九年史稱道塞不通其說近是後漢書又言躡滅夜郎顏師古地理志注引華陽國志亦改其文同范書並不知原文爲確蓋其時止躡之而已若滅之漢世焉得尙有夜郎且蘭及同姓漏臥句町諸侯王乎

秦黔中郡

按通鑑周赧王三十八年秦武安君定巫黔中初置黔中郡括地志黔中故城在辰州沅陵縣二十二里胡三省注謂秦黔中郡地非唐黔州地也宋白曰秦黔中郡在今辰州西二十里黔中故郡城是漢改黔中爲武陵郡移理義陵卽今辰州淑浦縣是後周移理臨沅卽今期中所理是今黔州及夷黔思播與秦黔中郡隔越峻嶺以山川言之炳然自分考夷州今石阡府費思二州今思州思南二府地播州今遵義府唐貞觀四年開南蠻置夷州又置費州改務州爲思州九年以隋牂柯縣置播州皆在周隋所置黔州境內與秦黔中郡相距數百里注又云今辰州敘獎溪澧朗施八州是秦漢黔中郡地銅仁唐屬辰州與獎溪二州鄰近然則銅仁實秦黔中地也

漢高帝四年改黔中爲武陵郡

按通志今思州思南敘遠銅仁黎平皆漢武陵郡地通鑑註武陵郡治在今辰州淑浦縣與唐黔中隔越

峻嶺夫郡而曰改不過更其名而已於地未有增損也注又云今辰州淑獎溪澧朗施八州是秦漢黔中地以今時輿地推之貴州之思鎮銅思與湖南之辰沅永靖常澧及湖北之施南皆在武陵界內就貴州而論大約思州思南鎮遠在武國牂柯間而銅仁則專屬武陵也

始元二年屬荆州部

按通志是年分天下為十三部武陵屬荆州部一作十五部

三國屬漢尋屬吳

按通志建安十三年魏武盡得荆州地及敗於赤壁吳與蜀漢分荆州江夏諸郡屬吳武陵諸郡屬蜀漢先主沒後復屬吳考蜀志建安十三年十二月劉備徇荆州武陵長沙桂陽零陵皆降之章武二年帝將擊吳通武陵使馬良以金錦賜五谿諸蠻夷授以官爵其時地之屬蜀可知猊亭之敗馬良死於五谿是時地為吳有

晉屬荆州

按通志晉平吳荆州郡縣屢有分析武陵郡仍屬荆州

朝州郡多無考

按通志劉宋時武陵領於郢州刺史蕭齊時州所領郡俱仍之梁承聖三年荆州入於西魏自後州郡沿革多無考一統志梁改海陽為龍標隸南陽郡海陽今沅州與銅仁鄰近其時地屬南陽可知考南陽在今辰谿縣西北梁置尋廢

隋屬陵郡

按通志隋置沅陵郡一統志陳大建七年置沅陵郡隋開皇九年平陳廢沅陵而置辰州大業初廢辰州

復置沅陵郡

唐初屬辰州

按通志唐初為辰州地不言沅陵廢自何時考辰州於武德七年復置沅陵之廢當在是時

武后垂拱二年置錦州盧陽郡

按通志垂拱二年分辰州麻陽縣地及開山洞置錦州盧陽郡領四縣盧陽招諭渭陽萬安錦州以錦水得名在今麻陽縣東北距銅仁九十里盧陽今芷江縣招諭今麻陽縣見宋史地理志渭陽萬安今銅仁縣地志謂天寶元年更萬安曰常豐不言渭陽廢置近地亦無名渭陽者考沅州志載天授二年置渭溪縣一統志渭溪廢縣在今沅州府西一百二十里渭陽疑卽渭溪也

長安四年以溪州之洛浦來屬

按溪州今湖南永順府附近地無洛浦名一統志今沅州治五代時爲洽州洽與洛字相似疑傳寫之誤元和二年隸黔中採訪使

按唐書地理志開元二十一年分天下爲十五道設黔中採訪使是年以思夷播費溱錦敘獎八州隸黔中採訪使

五代沒於蠻

按蠻夷傳唐季之亂蠻酋分據其地自署爲刺史五代史蜀世家後唐長興元年孟知祥取黔州今銅仁蓋爲後唐所有楚世家晉天福中祥柯張萬潛率夷播等七州皆附於楚王馬希範據此則銅仁先屬蜀後屬楚考楚至後周廣順元年地屬南唐則銅仁又屬南唐矣總之五季僭亂紀載闕如今惟據五代史推之別無明據不如地理志書沒於蠻之爲得也

宋錦州砦併入沅州麻陽縣

按通志宋乾德元年平湖南三年諸溪洞蠻酋相繼歸附太平興國八年錦敘諸蠻相率詣辰州言願比內郡輸租稅詔不許錦州刺史田漢希與懿州刺史田漢瓊上言願兩易其地詔許之懿州今沅州也沅州志乾德二年復洽州曰懿州遂爲羈縻州屬荆湖路時南江諸蠻若舒氏田氏向氏各有州四五熙寧五年命章惇經制荆湖蠻蠻皆入地惟田氏有拒命者明年進兵破懿州南江州洞悉平七年遂置沅州以懿州新城爲治所又以潭陽地爲盧陽縣以辰州麻陽招諭二縣隸州八年併錦州砦入戶及廢招諭

入麻陽爲一縣一統志招諭縣在麻陽縣東北唐置錦州宋初屬辰州熙甯七年屬沅州八年省咸淳末隸荆湖路安撫使

元銅人長官司

按通志元置銅人大小江等處長官司隸思州安撫使不言置自何時考元史本紀至元十四年思州田景賢來附授安撫使二十年討平九溪十八洞定其地之可以設官者大處爲州小處爲縣並立總管府聽順元路宣慰使節制二十一年改思播二州隸順元路二十九年二月以思播二州隸湖廣行中書省銅仁之置大約係二十年事舊志府城西南隅當大小江匯流處有石名銅巖元時有漁者沒水底得銅人三挽而出之府之名以此明改銅人作銅仁其實人仁古通用

元末屬夏

按通志元末地爲明玉昇所據沅州志謂爲陳友諒所據考土司傳元順帝至正二十五年明太祖平漢略地湖南思州思南相繼歸附永樂初田琛入見上白事自言思南故思州地當歸之上曰思南舊歸明玉昇時汝何不取自屬乃今言耶地之屬夏信已

明初屬思州又屬思南

按土司傳銅人隸思州安撫使至元二十八年詔諭思州提省溪洞官楊都要招安叛蠻是提省溪皆屬思州舊志省溪屬思南通鑑輯覽注謂以思南地設銅仁烏羅是省溪與銅仁烏羅皆屬思南究之思南本思州地未析思南以前銅仁屬思州既析思南以後銅仁屬思南就今日輿地論之大約與思州近者屬思州與思南近者屬思南明史謂分其地置府玩分字銅仁固二宣慰使兼轄地也

永樂十一年置銅仁府

按史思州宣慰使田琛與思南宣慰使田宗鼎爭沙坑日尋兵朝廷屢禁不能止鎮遠侯顧成禽送京師詔分其地置思南鎮遠銅仁烏羅思州新化黎平石阡八府設貴州等處承宣布政使司

十八年省烏羅入銅仁府

按土司傳是年析烏羅府爲二長官司曰烏羅曰期溪期溪隸思南烏羅隸銅仁
萬歷二十六年置銅仁縣

按通志是年改銅仁司爲縣附郭
國朝因之

按順治九年僞秦王孫可望陷辰州考辰州之陷可望遣劉文秀由銅仁進趨辰州時銅仁亦爲所陷十
五年可望爲李定國所敗詣經略洪承疇請降銅仁始復

光緒九年銅仁縣移治省溪司江口

按同治末全黔肅清有賊數十皆百戰之餘竄入梵淨山大爲民患屢煩征討六年巡撫岑毓英剿平之
改江口爲銅仁縣治九年移駐

光緒十七年辛卯仲冬八日知府馮翥鵬重開老東門同日興工移書院作都司署以銅仁縣所遺舊署經前守王憲曾借作都司署者改爲書院

按舊志郡有七門後增水門二今祇八門並無九門惟協署後東南城垣尙存遺蹟有老東門之稱據父老流傳自水門開後取徑捷便久則竟廢往來即以水門改爲東門而老東門遂封閉矣由是本郡科名之家殷實之戶不如從前職堪輿者屢議重開不果光緒戊辰夏前撫宮保岑毓英觀兵來銅因察看書院形勢詢及老東門封閉之故親臨其地極稱此處規模軒敞秀峯羅列急宜重開於閭郡風水不無裨益時有稟以籌款維艱卽蒙諭設培文局除資書院月課膏火外凡有關文教均可藉資未幾岑公去任來守者未暇及此迨宣統太守馮公少鐵下車後知重開老東門之議久爲羣情所願可以舉行辛卯仲冬八日起工季冬十二工竣以廢墜多年未易興復之事而一朝由舊人心豫悅莫可名言人心卽天心此後挽回氣運再覩雍熙未嘗非良有司俯順民隱之所致也

按書院始設於康熙間繼因改建協署乃遷於赤帝宮前復移於殷家董嗣以其地建考棚乃置後水門徐姓宅改作書院規模卑隘不稱主講之地同治七年戊辰太守紀煥選改建於今協署後自後同城文武執事時有硃咎堪輿家謂其地不宜建書院前中丞岑公親臨察看持論符合今太守馮公遷移書院重開東門兩事並行從民願亦踐前言也

銅仁府志卷之二

地理 國統 建置 山川 勝城 形勝 關梁

圖說

周禮大司徒以天下土地之圖周知九州地域廣輪之數圖學之於地理自古為要矣近世之作顧失古意塗飾名勝探索幽遐真似以其書為丹青觀者顧不悖歟
國朝胡氏高貢維指顧氏方輿紀要其為圖計里開方深契古法銅仁地界點集之交其疆域廣三百餘里袤五百餘里非測定北極高滿度數以準廣袤必不能毫無差忒茲第就道里遠近合計開方非真算精核然視彼描摹大概徒存形似者猶為清晰云志圖說

銅仁府志


銅仁府縣全境圖

每十方里方圍心為府治長圍心為縣治圓圍心為外縣地雙鉤為水點為界四至以極境為界四隅以府城為主




欽定明史天文志以二百五十里為一度又欽之開方輿圖以一方為半度當一百二十五里今準此法以每方作十里其在銅仁境者計里開方具有他屬插入銅仁境者但載地名不計里數庶犬牙錯之區可一覽而得焉

銅仁府境圖




按銅仁府舊轄洞八曰暹羅曰司前曰提前曰提和曰提土是為上五洞曰教寨曰峇答曰六家是為下三洞光緒九年銅仁縣移治江口以上五洞撥歸縣轄縣屬之坡頭龍魚客寨長坪平茶萬山等六鄉及扣峇壩孟木抱三鄉下股撥歸府轄




銅仁府城圖




按銅仁府城明景泰二年建明末潞國朝重修之舊有七門後增為九今止八門



銅仁縣境圖



按銅仁舊轄鄉十一曰坎頭曰龍魚曰客寨曰長坪曰平茶曰木抱曰萬山曰扣答曰壩盤曰桃映曰氣答
 光緒九年移治江口以坡頭龍魚客寨長坪平茶萬山等六鄉及扣答壩盤木抱下股撥歸府轄上五洞及
 扣答壩盤二鄉上股歸縣轄




銅仁縣城圖



凡過三大節縣官
率僚屬於此行祀


按銅仁縣城本省漢司地俗名江口舊駐吏目一把總二外委一光緒九年改為縣治尚未建城



正大營城圖



康熙四十三年平紅苗設正大營以同知駐其地雍正八年討平松桃紅苗移同知駐焉正大營旋改巡檢
 繼復改縣丞隸銅仁縣轄其城修于乾隆二十三年次年工竣東門外有山頗高名登高樓東南隅有峻巖
 名蒼堂坡西南有井名涼水井西有高山名涼亭均距城五里有一橋水色常赤名官舟橋北有高山燦聯
 而下名來龍坡道旁二石屹立人行其間謂之巖門東北隅有大小泉曰周公泉道東通周公驛駐正大特
 開之味最甘美民不所自故有是名其地山川扼塞適界銅仁松桃之中漢少苗多風俗犷悍亦控制邊徼
 者所宜經營者也



附通志銅仁府境圖

東北至湖南
辰州府界一
百六十里

東至湖南沅
州界六十里

東南至思州
府界二十五
里

北至四
川彭水



南至思
州府界

縣界二
百里

松桃廳

平頭司

梵淨山

金刀峽

江口汛

省溪司

烏羅司

羅漢司

西北至安化
縣界七十里


西至思南府
安化縣界一
百一十里

西南至思州
府界一百三
十里

七十里

銅仁居省治之東北隅西南與思南石阡接壤北則蜀東則楚松桃一營館楚蜀之樞俗名為三不管地實
紅苗盤踞之區也其郡治則依柳鳳以為城襟大江以為池天乙之山峙其左銅巖之水繞其右舟楫西來
沂沅水匯麻陽經郡治以達江口商旅輻輳亦西南之要地也隸郡者僅附郭銅仁一縣通

按通志修於乾隆初年其時松桃尚隸銅仁故界限與今不同茲仿出附載今後之該掌政者有所考
云



山川

銅仁跬步皆山無數星平坦地偶有坦平率皆緣溪縈轉山所在即川所在名無可名亦書不勝書也茲取舊志所列併其闕略臚陳之其峙者可以知險隘其流者可以備灌輸觀林箐之密深則思奸究之藏何以增觀潤堰之修築則思阡陌之利何以興求治者固不必侈談名勝遠詡為山川生色也志山川

東山 通志在城內突兀奇峭俯瞰大江絕壁鑄雲彩江聲四大字明嘉靖中知府李資坤建大觀樓於山頂久燬順治十八年知府梁懋宸建雙鳳閣舊志在府治東嶙峋峭拔為郡巨鎮山麓有藏書室洗墨池諸勝為饒氏讀書處由饒家巷進十數武即得之按東山在城東南上有文昌閣不知建自何時乾隆六十年燬於火大學士貝子福康安重建顏曰東山寺有碑存寺中山麓為飛山神祠由祠右踐石梯百十餘級級盡得隙地約半畝許寺門在焉由門入為殿二後有別院為殿三右有樓即大觀樓故址也同治初知府陳枚重修之有李元度詩刻石嵌壁間後山石梯亦百餘級循梯而下窄徑紆折石欄護之山半有靈官祠雲彩江聲四字相傳在臨江石壁上為郡人何采書見胡長新詩注考舊志何采有二一為嘉慶十八年拔貢

距今不遠不聞有是一為萬歷初歲貢官知縣當係此人所畫然好古者徧訪巖阿苔痕斑駁遺跡真尋豈前人故作離奇語耶抑歲久剝落其漫漶固不可識耶同治間署知府袁開第始補書之並有款識

天乙山 通志在城東一里有石屹立山頂每色赤即有火災明嘉靖中 府魏文相鑿池山麓以厭之舊志參議蔡潮題曰天乙按天乙山俗名紅巖坡一名火星巖有峯二一日天乙一日太乙舊志以天乙為太乙之誤有辯列藝文中

紗帽巖 在城東一里

石笏山 在城東五里高拱雲端宛若執笏 通志

天台山 在城東二十里為楚蜀通衢山高數百仞一峯直插江湄上建文昌閣登之則遠近數十村落悉可指數不止齊廟九點煙也是地為全郡水口關鍵有菴名蓮華肇自前明知府卜三公題曰蓮石仙宮

茶園山 在城東二十里一名察院山為前明廣西按察司副使徐以暹別業

六龍山 在城東南二十里由老山口分脈至思州府屬之漾頭司止紆迴環繞周圍百五六十里舊爲紅苗巢穴明萬歷間都督鄧鍾討平之俘誠始盡至是郡無苗患

望城坡 在城東南五里陟其巖郡城皆歸一覽

天馬山 在城南五里雲銜霞轡有蹀躞行空之狀通志

曬袍山 在城南一里通志按舊志云六里通志誤

玉屏山 通志在城南三十里按是山爲巖宮遠案玉屏積雪工畫者每寫爲圖

雙貴峯 在城南十里以兩峯並峙得名通志

獅子山 在城南七里山形盤踞勢若獸伏舊志

雞冠巖 在城南十里以形似名知府劉鴈題有碑

鳳翔山 在城南十五里最上爲紅巖山有洞曰紅巖洞產石子圓如刺梨從山半斜徑繞入山後名二良巖蓬有刹宇佛座下有泉味甘冽乾隆間苗亂居民避難於此咸豐五年教匪之變楊純昌建石門爲巖遠

近來依者甚衆

營磬凸 在鳳翔山右相傳鄧都督征苗結營於此故壘遺跡猶存

中華山 在城南四十里壁立萬仞爲一方之鎮建有寺觀數所創自前明

鼇山

小銅巖 在城南江中形方而長俗名印浮水面

大萬山 在城南八十里舊產硃砂舊志

新坑山 在大萬山司北五里巖谷深邃可以避兵通志

銅巖 通志在城西南隅當兩水合流處壁立千仞明正德十一年參議蔡潮建跨鼇亭於上燬於兵康熙

八年知縣趙景福重建相傳元時有漁人沒江底得銅八三挽而出之郡之得名以此舊志巖下有洲隱水中每鄉試洲出水面郡人必有獲售者俗名挂榜洲

梵淨山 通志在城西南一名月鏡山羣峯聳峙分爲九支中湧一峯周圍數丈突兀陡絕其高千仞中如斧劃相距五六尺許名曰金刀峽峽有飛橋相接左右皆立梵宇廣闊可容數十人寺側有石曰說法臺陟者攀緮上下如蹈空行寺在極頂風峭不可瓦冶以鐵千里風煙一覽而盡有拜佛臺香爐巖棉絮巖煉丹臺藏經巖有井曰定心水山後有池曰九龍池又相傳有辟支佛遺迹山下有九十九溪環繞紆折不獨爲黔中之勝概亦宇內壯觀也松桃志溪谷幽阻支脈四布好游者循麓而登數日莫窮其際若欲羣峯徧陟彌月未易周也計五岳而外當奄有武夷匡廬之勝前明萬歷四十六年戶部郎中李芝彥撰有重修金頂碑又刻石夫曰重修則梵宇之來久矣顧文內亦未載明創始年代道光十二年重建山腰寺宇改原名通明殿曰報恩寺去此二十里有接引殿道光八年重建易名天恩寺峯頂積雪經春始消游人盛夏登臨亦挾重嶺未秋而金風颯至凄寒中人游者絕迹矣按梵淨山在府治西南二百里其地分屬銅仁思南石阡松桃印江諸府縣山右卽鳳凰山兩峯對峙山頂劈分曰金刀峽有釋迦彌勒兩佛龕山麓有太子石產菩提樹葉面俱現觀音像又有觀音巖棉絮嶺茴香坪林木最茂馬尾松龍頭竹尤多有九皇洞相傳前明李鳳隱居修煉白日飛昇下有三角莊上有煉丹臺左有萬卷巖右有一天門鳳凰山麓有雙羊坳多箭竹藥材採之者常遇黑虎盲蛇之類禱之輒他徙黑虎形如牛黑質白章盲蛇似鯉身長無目兩物俱不傷人山頂有曬經石說法臺產松花彩紅水晶諸石可作玩器所產藥材惟紫油厚樸砂連最佳其開山原由相傳爲前明國舅李穎與僧妙元建刹請有勅賜碑文今尙存黔南識略謂山形上大下小若釜甑然俗名飯甑山當亦緣此且飯甑與梵淨音近相沿譌稱亦非無自

正人峯 在城西三里原名岑障俗名牛角洞又曰文筆洞明提學道沈思充題曰正人峯萬歷間都督鄧鍾建刹供大士像顏曰青蓮界有鍾與僉事劉觀光偈和詩刻石壁

席帽山 在城西二里又一里曰三台山其相接者曰半月山皆以形似名

通志

百丈山 舊志在城西十餘里孤峯特立高聳雲霄廣輿記謂在郡治西南峯巒蒼潤林木秀蔚按通志百丈作百尺十餘里作一百里皆誤

諸葛山 在城西十里形勢突兀俯瞰諸山有如邱壘上有武侯屯營故址通志

雙鳳山 在城西三十里山麓岡巒起伏劈支甚衆其巔峭拔入雲高極天表上有蘭若每歲六月遠近來

朝進香甚衆

石人巖 在城西十五里之八貫溪有石人二若男女形男則鬚眉宛然女則懷抱一子背負一子俗呼石

耶石孃武生金甯疆詩云石人非佛亦非仙呼作耶孃幾許年自是乾坤間不老兒孫瓜瓞慶綿綿舊志

營寨凸 在城西六里

曲水巖 在城西二里俗名鐘鼎洞陳行人圍址也水自西坡半嶺下經民田行四五里流入石穴由石穴

中瀦爲此泉曲折而出因名爲曲水巖王原詩序

黃繳坡 在城西五里形如繳蓋故名

紫雲山 在城西五里舊志

觀音山 在城西三十里有觀音菴故名

峯徠坡 在城西二十里石皆黑色郡人徐聞名曰墨石嶺雷樵文集

鷲鷲巖 在城西五里石壁有形如鷲鷲故名

鯉魚巖 在城西二里金鱗寺下有石類魚首俯臨江滸與銅巖相對好事者於跨鼉亭題龍門二字取河

鯉化龍之意與挂榜洲同爲科名佳兆

仙人巖 在城西八十里石筍一高丈餘上有賽金石寬約丈餘斜罩石筍之巔俗傳呂祖曾見此地舊志

伏魔山 在城西五十里上有祠祀伏魔大帝故名

六轉山 在城西三十里最稱天險居民築砦避亂上有佛寺

獅鳳山 通志在城北三里回峯翥漢勢若鳳飛舊志高峻矗雲如張鳳翼爲府城祖龍

將軍山 在城北六十里舊名獅子山通志

頭山 在省溪司北三水出焉舊志

獅子山 在省溪司舊志按獅子山有三一在府城南一在府城北合此而三

五雲山 在省溪司常出五色雲潘志

飛鳳山 在省溪司與獅子山對峙舊志

灑泥山 在提溪司西三十里舊志

磴山 在司東一里舊志

筆架山 在司南舊志

香山 在縣署後下有香山寺

湯家巖

縣治左光緒六年巡撫岑毓英曾登覽之呼為獨秀巖西有石洞盛夏可以避暑

黑影山 在縣治東南

玉兔峯 在縣治南

玉枕峯 在縣治南

蓮花池在縣治東北形似蓮花故名

月坡 在縣治西形似半月故名東南有巖三名曰三星巖俗謂三星伴月即此

馬鞍山 在縣治北

三寶峯 在縣治北下有二寶宮

文筆峯 在縣治北道光間建文昌閣於上

尖峯山 在縣治北二十五里秀麗聳拔高矗雲霄山麓有洞居民禱雨之所邑人呼文筆插天者即此

張家洞 在便水門左其地茂林陰翳下陷為壑石竅玲瓏城內有三池塘水自巖隙漸瀝而下餘音鏗然

昔人稱為銅壺滴漏

黃蠟洞 舊志在城東二十里按省志云五里誤

六東洞 在城東八里洞出泉甚清冽知府王湛恩題天乳真泉四字刻石何中丞冠英守隴時建亭以覆

中祀泉神每歲旱禱雨輒應光緒十三年易為閣上祀文昌按大家洞前明置瑤洞長官司久廢

蓮池洞 在城東二十里徐閣詩志序謂峭壁危峯中劈一洞池形如蓮泉甘味冽明季苗亂居民避難於

此洞初僧無相築庵其上大模補松繼之住持皆詩僧故名益顯

麒麟洞 在今縣治西五十里形似麒麟故名洞中石壁見有天下太平四字

響水洞 在城南二十里水自洞中流出為紹溪發源處

南嶽洞 在城北五十里舊志按洞距城五里云五十者誤

南嶽洞 在城北五十里舊志按洞距城五里云五十者誤

南嶽洞 在城北五十里舊志按洞距城五里云五十者誤

南嶽洞 在城北五十里舊志按洞距城五里云五十者誤

南嶽洞 在城北五十里舊志按洞距城五里云五十者誤

川江洞 在城北四十里通志按溪水伏流洞中里許洞壁石孔幻作煙雲真可名狀秋社後燕子悉藏此

千以億萬計

仙人洞 在今縣治北十里每天旱居民禱雨於此

仙女洞 通志在省溪司北舊志在司北三里有石若女子形一統志相傳有仙子修煉於此

雲洞 在提溪司舊志

銅仁江 銅仁江有二一曰大江一曰小江舊志大江在府西南源出九龍山小江在府西北源出甕濟洞

逕府城東南合大江黔南讖略大江源出烏羅司西南之九龍山東南流逕省溪提溪二司界又東至銅仁

小江水入焉有渡口雙江渡繞城東南又東入湖南麻陽縣界逕錦州故寨謂之錦水又逕麻陽縣東北龍

門山下至辰溪縣入沅江小江源出梵淨山有九十九溪最大者爲甕濟洞各溪合甕濟洞水南流至城西

南入大江洪亮吉水道考據漢志辰陽縣三山谷辰水所出南入沅江行七百五十里水經注沅水又東逕

辰陽縣南東合辰水水出縣三山谷東南流獨母水注之水源南出龍門山歷獨母溪北入辰水以銅仁大

江謂即辰水小江謂即獨母水方輿紀要辰水源出湖廣辰州府沅陵縣三三山西南流至辰谿縣界入沅

江一名辰溪辰溪縣南十里有辰溪蓋自沅陵西南流入沅江也郡縣以水得名山來久矣茲水道考以九

龍山爲三山谷又云三山谷今俗名梵淨山甕濟洞及北山即古之龍門山以今輿地考之辰溪縣在沅陵

上一百里紀要謂辰水源出沅陵流至辰谿縣界入沅江似與今地不合攷沅水東南流至辰溪辰水來注

之又東流至沅陵酉水來注之此外入沅者雖有他水不在辰溪縣界在縣界者除銅仁江別無水可以當

之通志銅仁隋爲沅陵郡唐爲辰州境紀要謂出沅陵流至辰溪當係指銅仁江而言巢集巢有祥柯

十六縣問答云銅仁唐辰陽縣地辰水即今麻陽河至辰溪對岸入沅者也元豐九域志麻陽縣有辰水

一統志獨母水在麻陽縣東今名龍門山唐武后垂拱二年分辰州麻陽縣及龍山洞置盧陽郡盧陽今

銅仁也亮吉謂大江即辰水信而有徵小江爲獨母水雖無考然合流入沅者無他當即指此三嵎山與

三山谷疑係音傳倒譌
按大小兩江皆發源於梵淨山之東大江有支二一出劉家溪入甕羅江逕太平場一出太子石逕金蓋

坪入交界河二流合於江口至府治江宗門外與小江匯此即洪亮吉水道考所謂出於三山谷之辰水而方輿紀要謂爲出三嵎山西南流至辰谿縣界以入沅江者也其小江出腰帶山入寨英河逕桃映客寨由府治西南入大江匯於銅巖下此即水經注所謂出龍門山歷獨母溪以入辰水之水而黔南識略謂爲出梵淨山有九十九溪合瓊濟澗水南流以入大江者也考腰帶山雖距梵淨稍遠然其脈亦劈自梵淨今與寨英近之堡脚猶有四十八溪名或稱謂沿自九十九溪而其源或固不少歟舊志謂大江源出九龍山而水經注謂獨母水出龍門山水道考謂辰水出三山谷方輿紀要謂出三嵎山以今水道求之則所謂此數山者當係梵淨山無疑蓋梵淨界連三郡百餘千支或遠近殊名或今昔異稱與其泥古而難憑何如援今以相體當不致以確有可指之地徒付臆渺茫想像間也

木杉河 源出搭扒洞至銅巖入大江

溫溪 源出本山下搭扒洞經桐木寨匯謝家橋水至木杉河入大江

龍洞溪 源出本山匯凱撤溪至木杉河入大江

凱撤溪 源出青谿縣之龍門坳匯木杉河入大江 木蓮溪 源出本山至木杉河入大江

橫山河 源出本山至紅巖塘 地中不見十餘里至關潘鋪山下之龍洞溪始出地匯凱撤溪出謝家橋

至木杉河入大江

開泰河 源出老山口至青谿縣屬之龍塘牙溪水注之至矮車下紹溪水注之過開泰橋至黃土坎蟲蠟

溪水注之至蓼溝橋入銅仁江

紹溪 源出老山口至蓼溝橋入銅仁江 蟲蠟溪 源出本山至蓼溝橋入銅仁江

敖寨河 源出萬山鄉霧露冲出深江口至思州府屬之漾頭司入銅仁江

瓊慢河 源出六龍山至深江口匯敖寨河至漾頭司入銅仁江

瓊背河 源出萬山鄉經思州府屬之黃道司至深江口匯敖寨瓊慢兩河至漾頭司入銅仁江

瀑溪 源出老山口歷數十里至生冲萃溪來注之又歷數十里至深江口施溪來注之又數里至漾頭司

入銅仁江 前溪 在城南一百里源出大萬山東北入銅仁江 流

秀才溪 舊志不載見皇朝一統輿圖

平禾溪 屬龍魚鄉舊志不載見皇朝一統輿圖

茶溪 源出梨子園至龍家溝入小江

外溪 由內溪出水源頭歷得勝園至龍魚鄉入小江

大溪 源出王家灣至溪口入小江

貴陽溪 源出岑朵至小江口匯川洞水入小江按貴陽溪一名羊溪皇朝一統輿圖載有載容場今小

江來自寨英楊寨英與載容音相似疑傳寫之誤

川洞江 源出雷公溪逕河界營至兩河口入小江

小河 源出沙壩場至平蕪入小江

寨杉河 源出梵淨山至司前洞入宙羅江匯於江口

四十八溪 源出梵淨山歷堡脚入小江

宙羅江 通志在省溪司北即省溪源出江頭山其水無旱潦迅湍急溜一如常時不似他水之時起時落

也按明史石邦憲傳賊欲攻石阡不克還過省溪即此 提溪 源出司西三十里之濫泥山入銅仁江通志

印江 在司東一里流入提溪舊志按通志云在府東一里誤

龍潭河 源出梵淨山大河坪出小瓦溪匯馬槽河入寨杉河

黑灣河 源出梵淨山大黑灣小黑灣匯壩桿河入寨杉河

小瓦溪 源出梵淨山麓匯馬槽河入寨杉河 胡家灣河 源出梵淨山三角莊匯馬槽河入寨杉河

黃排灣河 源出梵淨山至雷公灘入寨杉河

七品溝 源出梵淨山至三脚巖匯大瓦溪至苦竹壩入寨杉河

大瓦溪 源出梵淨山至苦竹壩入寨杉河 清水江 源出梵淨山獅子巖至司前洞入宙羅江

大水溪 源出梵淨山獅子巖至司前洞入宙羅江 梅溪 源出梵淨山匯茶寨河至江口入大江

順溪 源出梵淨山出茶寨河至江口入大江

平貴溪 源出松桃廳平貴洞匯寨杉河至司前洞入宙羅江

丁家坪河 源出梵淨山歷王家堡至官墳壩匯陰溪橋匯茶寨河至江口入大江

徐家溝 源出鳳凰山梅麻樹歷何家堡至慶門匯茶寨至江口入大江

麻溪 源出梵淨山麓至江口入大江

馬槽河 源出梵淨山麓至江口入大江接馬槽河有二一由雲英場入小江

臨江 源出梵淨山麓至江口入大江 長灘河 源出梵淨山麓至江口入大江

細沙河 源出梵淨山麓至江口入大江 淘金河 源出 淨山麓至江口入大江

太平溪 在城西南五十里源出本山至壩黃場入大江

八貫溪 在城西南六里舊志不載見皇朝一統輿圖 八貫溪又名一貫溪 舊志

毛溪 在城西南六里舊志不載見皇朝一統輿圖 交界河 源出本山入大江

大溪溝 源出大溪溝至龍魚鄉入小江 萬家溝 出天車均入小江

雲舍泉 在省溪司北七里歲旱礮犬投之可致雨 通志 飛瀑泉 在城西十八里 舊志

洗硯泉 在城西三里 舊志 龍田冲 在城東八里 柑子冲 在城東八里

筆架冲 在城東五里 盛頭冲 在城西南十里 深冲 在城南六十里

霧露冲 在城南一百里 芭蕉冲 在城北十里 達冲 在城北十里 打葛冲在城北八里

七里冲在縣治東七里 白馬塘 在城北源出尖巖山至清水塘入小江

龍塘 在縣治北相傳內有伏犀每天旱則水暴漲 官塘 在東門內廣數畝

縣塘 在便水門內廣約數畝 蝦蟆塘 在便水門內 雷家塘 在西門內

也江 通志在烏羅司上納烏羅溪羊溪二水下合銅仁江按松憲載松桃河由山羊溪發源歷一百四

十餘里至大魚泉烏羅司之水入焉又歷也江至兩河口木耳溪孟溪之水入焉黔南職略木耳溪在烏羅

司南至孟溪匯大路河即也江也與通志大同小異松志又載也江自發源歷二百二十里入湖南永綏廳

界與省志所云合銅仁江不同舊志也江下達辰州與通志松志皆不同其實銅仁江至辰溪入沅松桃河

至沅陵入沅二水分流至此始合通志云合銅仁江尙未深究

雲怕河 源出本洞經思州府屬之架澗出巖屋口至張家寨匯澧肉河至麻泥塘入潯陽江

雲上河 源出都村洞中至荒坡壩入石洞中十餘里由黃蠟洞出至楊寨歷思州府屬之暮馬匯澧肉河

至麻泥入神陽江

洋溪

源出濠泥山經提溪司至石阡府北十里入龍底江

按以上數水係發源境內而分流隣境者

附載於此

河由江 源出烏羅司至思南府屬之沿河司入水注江

... (The following text is extremely faint and largely illegible due to fading and bleed-through from the reverse side of the page. It appears to be a list of geographical entries or a detailed map description.)

疆域

自封建既廢大一統者置郡縣為治雖非各君其國各子其民而或則彈丸一隅或則提封萬井靡弗界限

劃然蓋所以別疆理專責成也銅仁自永樂時置府萬曆時置縣入國朝於嘉慶二年以正大營移駐松桃

之同知改直隸廳而撥府屬烏羅平頭兩司益之固知四境所極不無今昔遷更因舊綜廣狹以溯沿革庶

為治者得以驗聲教之訖焉志疆域 銅仁府 治在省城東六百六十里東至湖南沅州界六十里西至

思南府安化縣界一百一十里南至思州府界七十里北至四川彭水縣界二百里東南至思州府界二十

五里西南至思州府界一百三十里東北至湖南辰州府界一百六十里西北至安化縣界七十里東西廣

一百七十里南北袤二百七十里至京師七千二百里 通志 銅仁縣 郭光緒九 治在府西九十里東至思

州府界二十里西至本府屬省溪司界七十里南至思州府界七十里北至本府屬平頭司界三十里東南

至省溪司界二十里西南至省溪司界一百里東北至湖南沅州五寨司界四十里西北至思南府安化縣

界七十里 通志 按通志修於雍正十三年所載銅仁八到係就其時為斷道光八年續修府志即據通志

臚入僅將北至四川彭水縣界二百里一語易為北至松桃廳界一百二十里考松桃改直隸廳在嘉慶二

年烏羅平頭二司即於是年撥歸廳轄府志疆域仍舊其中不無錯誤 銅仁府 東至湖南鳳凰廳亭子

關界四十里西至思南府安化縣總溪界一百八十里南至思州府黃道司界七十里北至松桃廳馬腦營

界五十里東南至湖南麻陽縣張家界六十里西南至思州府田埂坪界七十里東北至湖南鳳凰廳沙

坪界五十里西北至思南府安化縣沙壩場界九十里廣一百七十里 通志 銅仁縣 東

至思州府界三十里西至四川西陽州界一百八十里南至思州府界五十里北至湖南永綏廳界一百三

十里東南至思州府界八十里西南至思南府界一百九十里東北至湖南鳳凰廳界七十五里西北至湖

南永綏廳界一百七十里廣一百七十里 通志 按府縣疆域見一統志道光十一年李

文耕本之入黔南疆略惟府南至思州府界七十里一語與通志同餘俱不符考銅仁自烏羅平頭撥廳後

疆域微有分更其餘如舊何以不符若是知兩志皆有錯誤 銅仁 東至思州府馬脚巖界二十里西

至縣屬壩盤鄉界七十里南至玉屏縣濫板橋界五十里北至松桃廳沙坪界二十里東南至思州府高樓坪界八十里西南至縣屬提和洞界七十里東北至湖南鳳凰廳亭子關界四十里西北至縣屬桃映鄉界四十五里 銅仁縣 東至府屬壩盤鄉界二十里西至印江縣纏溪界一百三十里 南至青谿縣界七十里北至松桃廳姚家坪界四十里東南至府屬木抱鄉界二十里 西南至鎮遠印江兩屬界七十里東北至府屬溪口場界五十里西北至思州府綿絮嶺界一百六十里 按銅仁地段多屬綺交牙錯有越界數十里而其地仍為府屬者有距城五六里而其地即為外縣屬者詳之圖說覽者辨焉

銅仁地插入松桃界內者七曰凱文曰瓦溪曰八坪曰明月池曰順水壩曰脚巖曰鵝頸壩廣半里袤五里距銅仁府治二百里 銅仁地插入石阡府遠思州印江界內者四曰白巖溝曰分水嶺曰太平寨曰獅子頭廣袤四十五里距銅仁府治一百一十里 銅仁地插入思州玉屏界內者二曰騾馬隴曰它田灣廣袤約十餘里距銅仁府治八十里 青谿地插入銅仁界內者八十二曰熊家屯曰楚溪屯曰龍門壩曰平河屯曰牙溪屯曰龍塘曰黃溪屯曰餘溪屯曰旗樓屯曰張海屯曰李溪屯曰黑巖壩曰三岔河曰木架坡曰小竹山曰肥田曰漏溪屯曰詹家溪曰張家坡曰太平芒曰平奔屯曰冲孟溪曰十二灣曰胡家屯曰張家屯曰玉溪屯曰納黃屯曰孟溪屯曰掛扣場曰凱鵝屯曰龍塘壩曰界牌曰半溪曰王家山曰王家壩曰何家壩曰平南田曰黃土曰沙家屯曰正寨屯曰周家屯曰楊家屯曰明星曰高硯曰老曰軍屯曰軍地曰白楊壩曰苗漢溪曰余家壩曰龍灶曰老屯曰黑箐曰何家壩曰七里冲曰響水洞曰柑子灣曰大溪曰小溪曰劉家溪曰絞黃屯曰萬家屯曰胡家屯曰張家屯曰邊江屯曰陰溪橋曰火哨橋曰三十開曰線寨曰梨子園曰黃屯溪曰過江屯曰除滿屯曰王家壩曰岳家寨曰茶寨壩曰華寨曰蔡家壩曰方家壩曰軍屯曰軍地山曰老屋基 鎮遠地插入銅仁界內者十六曰桃樹坪曰雷家山曰何家山曰曾家壩曰天堂壩曰龍眉曰山下屯曰羅家屯曰張家寨曰子母坪曰黃家屯曰唐家山曰狗脚屯曰白果壩曰栗園坡曰公鷄屯 思州地插入銅仁界內者五曰金蓋壩曰陳家壩曰白沙溪曰黃柏溝曰涼風壩 印江地插入銅仁界內者二曰龍口曰段家寨 松桃地插入銅仁界內者四曰平貴曰寨抱曰勒索曰後溪

形勝

大行孟門商倚為險方城漢水楚以稱雄維彼山川永資帶礪由來尚已銅仁僻居巒嶽險隘有餘幅幘未拓雖天塹相限無其阻深而函谷可封猶堪比擬越荆楚之境間黔蜀之交則此其衝要歟志形勝

九龍分秀三江匯流天馬雙貴峙其陽神鳳半月亘其陰形勝完美風氣蒼萃謝國樞府志

山接蠶叢江通雲夢舊通志

東聯錦水西接梓柯一統志

辰沅要隘思石門戶黔南圖略

岷崙山出脈有三大幹入中國北幹左鴨綠江右黃河送至燕山會成紫微垣中幹由夔府下荆門南幹由

銅仁下常澧然中南幹並穿黃河而出其力不及北幹良地理鐵案註

銅江十二景

按十二景舊志載入山川茲附于形勝各綴一詩以誌其概

東山樓閣

東山據一城之勝林木蒼蔚其巔舊有大觀樓雙峯閣諸勝高凌霄漢俯瞰江流頗足供人游覽詩云為家烟火一城環天著林巒向此間閣繞千重橫碧落樓閣四面傲青山堆綠水近分遊月僧任雲來懶閉關高臥有誰同謝傳蒼生相望濟時

中流砥柱

兩江合流處有石突起波心高約百尺作中流之砥柱挽狂瀾于既倒惟斯石足以當空明參議蔡潮建亭其上名曰跨龍

仍勝以砥柱中流四字詩云雙江匯處水潺湲何日飛來海上山半壁能迴瀾既倒一卷莫笑石偏頑風濤作勢還趨下煙

雲彩江聲

東山一而臨水絕壁俯江潭深不測崖間有雲彩江聲四大字不知留于何代書自何人舊志稱數百年苔蘚不障風雨不磨然久已漫漶無存矣同治間知府袁開第補之詩云何人絕險此揮毫絕壁書成結體高飛舞崖間挾風雨沈雄筆底走

波濤白衣蒼狗形多幻滄海桑田世幾遭遺蹟至今尋不得惟餘東去水滔滔

兩江春色

大小江流匯於城南夾岸多桃李樹每當和風扇物新水生花柳芳菲千紅萬紫瀟瀟之不啻畫圖春色滿人嚮若兩江獨擅其勝也詩云昨夜春風江上歸兩江春色共芳菲天桃曉綠臨村塢嫩柳分青護釣磯綠瀟瀟雙流新水活紅堆夾岸野

花梨跨龍亭畔憑欄立圖畫依稀入絕微

魚梁夜月

江之下流為兩山所束幾不識去處有灘曰魚梁灘漁人就灘為業夜來蟹火星星與蟾光掩映最為幽寂其上即文筆太乙詩孝赤壁賦所謂山高月小江流有聲彷彿於斯境遇之詩云江天明月一輪斜影落橫梁映淺沙應許燈涼分蟹舍

何須火閃認漁父澄潭波定閒相照短艇人靜不嗚羨煞此間垂釣者由來樂意劇漁家

文筆凌雲

山在城南對岸高插入雲秀如筆削每旭日方升朝霞偶薄其上直如五色錦箋用其揮灑洵為奇觀詩云奇峯拔地擁

層嵐大筆如椽象可參五色花開春欲笑二分墨潑雨初酣書從空際削飛白草向天邊寫蔚藍手擎來聊一畫苞符消息此中標

同治五年

卷八

形勝一

金麟游泳 銅崖上流石下臨江濬其形如魚俗呼鯉魚嘴微瀾蕩漾儼若潛鱗游泳前人豎刺其土環以茂竹務金麟寺 詩曰
風風雨雨古江干莫作當年涸鮒看縱整豈終巖穴老臨濠何異海天寬羞從富貴供盆玩恥說滄溟得路難有客在 贊垂
釣久不食香餌上漁竿

西嶺歸樵 城之西郊坡陀漫衍草木暢茂郭內柴薪取給於斯時值薄暮樵子芒屨歸來行歌雜還相語後先聽之可以娛耳詩曰終
朝伐木響丁丁擔歸來已欲冥紅葉應肩殘照紫白雲回首斷山青晚炊相待行應急暮色頻催走未停一語歌聲齊唱和
無腔牧笛與同聽

玉屏晴雪 雲宮鬱壘有山端拱如屏雪後凍初開猶多積素銀光炫爛盛若玉宇瓊樓洵佳景哉 詩云天敞峯巒為作屏連宵瑞
雪曼番題詩未許留新墨讀登無從識舊青初霽開成晶世界精輝幻出水精靈何人解向程門立邀何富牖漫掩局

南嶽飛泉 泉距城北數里在江摩之南兩山並峙澗水中落飛流千尺望之若玉龍從空而降昔太白極賞廬山瀑布未知此泉能頡
頏否 詩云絕巖城南聳幾重飛泉落澗響淙淙雲濤直瀉三千丈側觀遼遙閱七二峯寂寂風中聽有韻明明月下響無蹤
何時並防廬山瀑一例擬幽付短笥

石笏朝天 循江流而東右岸有山下豐上削其巖突如石笏高極雲表空所依傍形勢端如拱笏金莖承露未足擬其奇也 詩曰
挂笏看山與未休一朝擲向碧峯頭何化石形猶在此去朝天願好酬千古臣心長捧日九霄仙掌欲凌秋班玉笏依
閩闔兩雨風風總不收

六洞嵐光 六洞為近郭第一泉味甘而冽可灌田百畝其他樹林陰翳煙嵐杳靄適有亭以祀泉神禱雨輒應石刻天乳真源四字為
王太守湛恩所留 詩云六洞幽深引野泉晴嵐遙護翠微邊依山薄染纖纖黛傍樹輕含淺淺煙一徑曉嵐黃葉路半村
夕照白雲川此間舊有潛龍窟靈應為霖豈偶然虹橋書屋舊舊稿

關梁 郭傳附
山國重關隘水國重津梁二者銅仁兼之蓋其地東界楚西隣蜀接壤皆苗區要隘所謂一夫當之萬人莫
進者也若夫大小江流從中縈貫驚湍激浪灑縮不時苟非舟楫亟治則民之病涉者衆矣司牧者詎得以
緩圖視之乎志關梁 龍勢關 在城東北 通志 石橋關 在城東北 通志 黑壇關 在城東北 通志

毛口寨關 在城東北 舊志 張家寨關 在城東北 舊志 施溪漾頭關 在城東北 通志
倒馬關 在城 通志 倒水關 在城 舊志 清水塘關 在城 通志

芭龍鬚梅關 在城 舊志 黃蠟關 在城東十五里 天生岩 在城西北一百二十里明正德八
年官軍討叛苗入天生岩圍絕蠻洞水逆苗平今其地有天生橋 黔西識略

鳥泥營 在城西北一名鳥業營又名何略營 黔西識略

亞寨堡 在城東北六十里明宣德七年總兵蕭授征叛苗設亞寨等十堡方輿紀要地架及小橋亞寨與麻陽縣之鴉刺關為三省接連處戍守最切鴉刺守則銅信溪小坡水草填水打田石羊頭等處隘兵可以不用亞寨守則則毛口砦石子塊黃蠟灘白水洞等處隘兵可以不用地架守則孟溪堡平南關冠帶河翁絞團龍千寨張家寨四十八旗提溪省溪等處隘兵可以不必全用地架亞寨不守則毛口翁絞諸處防禦最切矣 官舟堡 在城東五里 高 聖 在城東二十里 矮 聖 在城東十五里 得勝聖

在城函五十里 升子聖 在城北二十里 岑江聖 在治北宙羅洞境顧名清涼聖壁立千仞左湧泉其清冽同治間居氏避亂於此 蠟鵝巖 在城東 黑 箐 在省溪司 開泰橋 在城南十五里嘉慶間建道光二十八年楊純昌增建長亭 謝家橋 在城南十里 舊志 本桶營 在城北二里 舊志

石子營 在城北三里 舊志 壩地岡營 在城西三里 舊志 滑石營 在城北四十里 舊志

正大營 在城北六十里由來龍坡至大興汎周五六十里地最險要前着逆苗多據此以自固平苗後分汎設調於此加詳 註南隸略 石峴衝 在城北山勢陡高過螺獅直趨湖南水綏廳境坡東坡西於此分界高六七八里不等連亘一百五六十里廣十餘里峯峻路狹最稱天險接石峴地歸松桃廳轄借地安營者有二銅仁協分防石峴汎外委駐平頭司湖南鎮竿城分防石峴衝守備駐螺獅互相控制 防禦可謂屬矣 註南隸略 落馬堡 在城北二十里 舊志 落壕堡 在城北五里 舊志 城北堡 在北門外 舊志 油蓬堡 在城東北方輿紀要謂與烏羅朗溪及四川之邑梅司接壤守禦最切嘉靖中議者以孟溪偏守一隅宜遷於油蓬堡乃馬平二司適中處且可與四十八旗相應援云 註南隸略

王家橋 在城南十五里 舊志 官 橋在城西南二里 舊志 高 橋 在城西南二里光緒一年被水漂沒里人重建 栢木橋 在城西南八里 蓼溝橋 在城東十里 官舟橋 在城東十五里嘉慶間建咸豐二年增建長亭 三元橋 在城東十五里 廣濟橋 通志在城北十五里舊有橋圯康熙間副將賀國賢重建舊志廣濟更名廣嗣 天生橋 在城北三十里 舊志 作一百二十里誤

自生橋 在城東北十二里橋係巨石生成與修砌者無異 陰溪橋 在縣治函二十里

火燒橋 在縣治西三十里 大石橋 在萬山司北五里 舊志 土黃橋 在萬山司北三里 舊志

同... 卷之二

永善橋 在敖寨洞明天啓六年建道光十八年重修 六棚橋 在敖寨洞康熙二十二年建光緒元年

重修 喜成橋 在敖寨洞 入郡橋 在敖寨洞光緒五年修 雙江渡 在城南即大小江合流處

通志 西門渡 在城西通志 中南門渡 在城南 下南門渡 在城南 鷺鷥岩渡 在城西

里 壩罩渡 在城東七里 蓼溝橋渡 在城東十里 黃蠟關渡 在城東十五里 淺灘渡

在城西北三里 兩河口渡 在城北二十里 小江口渡 在城北二十里 涼水井渡 在城西三十

里 壩黃渡 舊志在城西四十里通志作十里誤 壩盤渡 在城西七十里 挂扣渡 在城西七十

里 舊志 花橋渡 在城西八十里 琴抱渡 在城西北十五里通志 龍家渡 在城西一百里通志

吳家渡 在城西北三十里通志 桃映渡 在城西北六十里通志

郵傳

府前舖 舖夫四名 壩盤舖 舖夫二名 提溪舖 舖夫二名 開添舖 舖夫二名 客寨舖 舖夫二名 壩黃舖 舖夫二名 省溪舖 舖夫二名 凱土舖 舖夫二名 游魚舖 舖夫二名

桃映舖 舖夫二名 按以上各舖載通志烏羅孟溪平頭三舖嘉慶二年撥歸松桃廳轄府志例不登載故刪之

東里至黃蠟關 十五里 壩隴溪 十五里 漾頭司 四十五里 湖南麻陽縣 四十五里 八寶溪 十五里 木弄場 十五里 壩黃場 二十

壩盤場 二十里 銅仁縣 四十里 提溪司 二十里 茶寨場 三十里 苗旺場 二十里 石板橋 十里 白臘灣 十里 雙龍 十里 印江縣 里至

南里至開添舖 十三里 茶店場 七里 游魚舖 十里 銅鼓塘 九里 玉屏縣 北十五里 茶山塘 十里 白沙井 十里 馬頸塘 五里

大興汎 五里 新寨塘 五里 啞喇塘 五里 報國塘 五里 正大營 十里 官舟營 五里 松桃廳 東北 里 芭蕉沖 十里

山寨塘 十里 壘坑塘 五里 滑石營 五里 亭子關 七十里 湖南鳳凰廳 西北十五里 龍魚塘 十五里 客寨塘 十五里 溪口塘 二

兩河口塘 十里至鎮 天堂坎 五里 龍眉 距縣遠縣二 水路由府治上大江 九十里至銅仁縣 與陸路同又 哨上 水自北止

水路由府治上小江 六十五里至兩河口 與陸路同又 寨英場 水路上不通舟楫 水路由府治下湖南 九十里至麻陽縣 又一百八

十里 辰谿縣 入玩水

風俗

劍仁地處偏隅夙稱樸厚自改土以來流寓於是邦者多吳楚閩蜀人各從其方之舊相雜成俗而遺風未

遠不無染漬久之遂忘其自來悶悶淳淳尙存古意禮曰修其教不易其俗齊其政不易其宜是所望於化

民者志風俗 地居辰常上游舟楫往來商賈所集頗有楚風明通志 人多好巫而信鬼賢豪亦所不免

然農知務本力田士尙右文好學僉學陰子淑記 苗獠種類不一習俗名殊聲教漸敷爲之不變舊通志

民性淳和俗尙儉約通志 化行俗美風景頗類中州舊染汚俗咸與維新亦彬彬乎禮義之鄉也舊志

按以上各條載舊志民性一條從通志補入 冠禮近世鮮有能行者郡邑相沿於婚明先日父率其

子告於祖醮於客位謂爲冠義之遺其實非也禮父親醮子而命之迎註言父醮酌子命往迎婦是爲昏義

俗蓋牽附以成冠禮耳女行笄禮亦於嫁前是亦昏義也 醮其女而命之嫁之美非笄禮也 婚禮壻家請媒求女氏幾女爲第幾子配女氏

許諾擇吉日備華勝釵釵等豐薄視家有無以紅柬書壻父母名氏無父母書主婚者居期媒往女家定婚

謂之插香女氏酌壻物亦視家有無將定婚期壻家具鸞帖列壻之生年月日時于左媒持往女氏謂之討

紅庚女氏書女之生年月日時于右復壻家亦有定婚時即奉鸞帖者女氏復如之乃諏婚期報女氏先期

數日擇吉納幣謂之過禮女即以是日卜吉者笄之開面梳髻謂之上頭屆期鼓吹採輿往迎婦女氏以姑

姊或伯叔兄弟送之女以紅錦蒙首腰佩銅鏡鐵剪兄弟背負升輿鼓吹執道輿前用綵旗四紳宦家用執

事排列如儀綵輿及門壻家設香案於門外致祝謂之回車馬後以紅氍貼地擇福壽者扶女出交拜謂之

拜堂導入新房行合巹禮明日廟見以次拜舅姑及三黨舅姑及夫之期功親女皆有所奉亦視家有無三

日入廚親滌濯謂之下廚一月後偕壻歸甯謂之回門亦有三日即回門者謝媒以酒脯壻家遠者或往成

婚於女氏謂之入贅女氏貧或不及待時嫁者送女往壻家養之謂之童養媳俟男女長而後婚焉

喪禮父母疾篤遷正寢既屬瘠招僧誦經祝尸謂之開路設靈位曰安靈計於親友告奠期曰開弔至日親友

具香楮往曰弔紙富者或具羊豕醴饌曰上祭有力者翦白布與纏頭曰開孝至親兼衣以衣作木主延紳

宦刺子指血和硃點之直之曰點主夕設三獻之禮歌蓼莪講喪禮曰收祭始死七日一奠曰應七至七七

同... 卷八十一

畢過是則百日周年有力家或作道場否焚楮而已。暇閱招僧誦經薦死者焚靈位曰除靈道場貧者或七七卽除靈葬後孝子往送火煙三日上墓曰圓墳土紳家閒有用家禮者。祭禮如正月十五七月十五士民皆陳祭饌祀其祖先端午薦糗中秋薦月餅除夕薦年飯祖父生忌日惟士紳家祭之。元旦焚香開門放爆竹向吉方拜喜神謂之出行持香楮往寺觀拜佛道像及親族家賀歲謂之拜年城市多以小紅刺投于門不必躬拜招親友聚宴曰請年酒親友多者盡正月皆燕食也。人日後鼓唱喧闐舉國若狂盡十五日止市人擇吉圖張書童擇吉上學皆在此數日內。三月清明前後數日剪白紙標掛祖墓上謂之掛清若服未闕者先於社日掃墓以野蔬和飯祀之謂之社飯。四月初八日嫁毛蟲五月初五日以筍葉裹糗米爲糗飲雄黃酒懸蒲艾于門小兒以雄黃抹面孔謂能辟疫沅河有龍舟競渡之戲六月穀熟以新米作飯祀祖先謂之薦新。七月十五日治酒饌設祭夜焚紙鏹於門以送之謂之燒包多有三十四日祭送者八月十五夜摘瓜送艱嗣者燕飲以爲娛樂九月初九日文士有舉登高會者就近郭山椒結伴眺賞竟日始歸鄉間蒸米作粿啖之亦有釀酒者謂之重陽酒十二月二十三日陳錫酒祀司命謂之送灶除夕復然謂之迎灶三十日家人聚飲謂之食年飯卑幼拜尊長曰辭年夜不眠曰守歲每歲或四月或七月釀錢建道場祀瘟火蟲蝗之神曰平安清醮二月初二日五月初二日八月初二日十月初二日釀錢祀當坊土地之神以爲祈報曰平安福。士民家設龕中堂書天地君親師位旁列孔子文昌關帝灶神多至十餘位有神主書置其上晨夕焚香祀之族大者別建宗祠。土地鄉神也村巷處處奉之多尺五小廟不塑像者用木主卽當坊土地神位塑像者其鬚髮皓然曰土地公公裝髻者曰土地婆婆俗言土地靈則豹虎不爲害又言鄉村老叟生而正直者死爲之按郡人多祀土地於家龕下題其主曰長生土地瑞慶夫人位李鳳宣覺軒雜記謂土地卽五祀中雷之神俗以中雷爲夫人其說誕妄不經。四官財神也鄉市閒家供此牌祀之相傳神爲元季神將城陷殉難土人藁葬之墓在今思州府署後隙地人不得見見者主富思州志不言神姓名正安志以嚴唐羅冉爲四官財神郡人凡求財者以紙錢厚寸許置香龕禱之謂之許四官神旣如願酌以肉。方曰刀頭頗著靈應。兩江大王相傳爲楊政韜卽飛山神子不知何代所封郡人歲墓祀之謂之

封馬用升二實以米上搗紙馬酒一瓶列十二杯肉一方重六斤四兩奠獻畢各執杯酌飲切肉點鹽食之惟城內用二升大小江只用升一 歲晚務閒時招僧道誦經祀瘟火之神曰回淨祀畢以品物置地下祀鎮宅土地曰謝土初惟土著家祀之近江楚客氏亦有祀者然祀必以夜自十月至十二月皆祀神時也先期三日主人齋戒祀後始茹葷酒 郡人生瘡疥者禱炳靈公輒愈祀用豬肝雞子近禱者尤衆考五代史後唐長興四年封東嶽三郎爲雄威將軍建康志宋大中祥符元年封炳靈公道家則謂神係東嶽長子以死勤事者也於祭法甚合何以專司瘡疥又獨享豬肝雞子亦埋之不可解者也 郡屬多洞洞有神凡婦女有色者經洞外歸或病輒日落洞落洞者俗謂神將生魂攝去不急治必死治法不用醫藥屬巫詛焉謂之打鑼鼓所奉之神製二鬼頭一赤面長髯曰羅頭公公一女面曰羅頭娘娘謂是伏羲女媧臨事各以一竹承其頸上下兩篋圈衣以衣倚於案左右下承以大椀巫黨椎鑼擊鼓以紅巾裹首戴觀音七佛冠登壇歌舞右手執有柄鐵環曰師刀旁有數小環搖之聲錚錚然左手執牛角或吹或歌或舞抑揚拜跪電旋風轉觀者蓋如堵牆也夜深移女像入病者室令虛立椀中巫口喃喃若有訴手擲竹葉葉得謂捉得生魂至矣時香寒燭瘦陰風襲人角聲所聞之處凡婦女患此病者必昏迷移時始醒室中必有蝦蟆蜂蝶等物不知從何入亦一奇也按兩溪職志言苗人臘祭曰報草祭用巫設伏羲女媧位則此乃相沿苗俗也楚以南尚巫鬼自古而然無足怪者 雲霄神有四五人皆短小如五六歲小兒所主之家能令暴富實皆竊之於人神好樓居起居飲食與人無異每食必有酒肉以杯盤置樓上少焉往則杯盤皆空矣歲暮招巫歌舞以酬之名曰還願演諸淫劇觀者哄堂至勾願送神畢即以祭物燕樂親友非是則神不樂也神量極隘小有忤犯即徙去去時將先所竊於人者復竊以與人故人不甚願主此神也或延巫禱祝以妥之則不爲崇此神不憑男而憑女女嫁則隨至夫家然從無淫亂事 還願之說起於巫師有羅願有霄願有半羅半霄願隨巫命名問之祭者彼亦不自知可發一笑 傷鬼路鬼也中之頭痛身熱或沈迷不省人事以香三炷飯一盂水和之盂盛雞子一枚夜送至三叉路願祭畢傾祭物於地名曰潑水飯病自愈 郡俗薦所祖考以餒餘飼犬然後家人棄食相傳未闌山洞以前乏稻種有犬自遠方啣來故飼之此實不經之論按銅仁爲古溪洞地畜之先有槃瓠者高辛氏犬也黔苗皆其子孫必苗人有此舉郡人不知而相沿成俗也 上

元節用姣童作時世裝束雙踏歌衣飾華好音詞清婉謂之鬧元宵按吳震方嶺南雜記云潮州燈節各坊市唱採茶歌有曰二月採茶茶發芽姊妹雙雙去採茶大姊採多妹採少不論多少早還家三月採茶是

清明孃在房中繡手巾兩頭繡出茶花朵中間繡箇採茶有前溪子夜之遺不可以操土音少之也

時以關燈掃帚裝束如人形幼女二人扶之夜靜時於黑地以炷香繞其面禱祝再四即搖動而來帚重如石扶者不可易手易即去二人平扶拜問事所問以點首爲徵謂之請茅孃或以幼女爲之則曰時七姑孃

按異苑世人以正月十五日迎紫姑捉者覺重便是神來奠設酒果亦覺貌輝輝有色即跳躁不佳能占衆事卜將來蠶桑今茅孃即紫姑之遺 五月五日爲龍舟戲集江渡鬪勝爭先勝者以紅錦獎之傾國聚

觀士女衣輕羅搖摺疊扇弄扁舟緩盪煙波釵光鬢影與水光山光相映亦盛會也五顯宮川主廟一帶觀者衆肩尤以下皆隱惟見萬頭攢動而已按隋書地理志屈原以五月望日赴汨羅土人追至洞庭不見湖

船大小莫得濟者乃歌曰何由得渡湖因而鼓櫂爭鬪競會亭上楚俗相傳爲競渡之戲郡爲楚地故此風極盛 七月十五日僧俗多舉盂蘭盆會製紙作蓮花燈泛水然之云可度鬼名曰河燈按南齊風俗中

元夜家戶各具羹飯齋供列於門外或坳衢之處祀祀傷亡野鬼隨捧水燈三十六向流水泛去名曰度孤郡俗本此放盞多出苗人相傳苗女鬪草爲戲同輩戲問曰得否答曰得矣即解放盞術歸則大病毒一人

始安放盞之法以草標置地上踐之即中毒或以藥末彈人衣亦然病者腹脹痛外墳起如蝦蟆等形醫藥罔效訪放盞者治之始愈按述異記謂福建有金蠶盞又云雲雨亦有之與此皆不同 觀由科古法也

葉天士紺雲園古方選亦用此凡金石湯火手足傷用之立愈俗傳能以傷移人未知信否郡人業此者謂之水師其術頗驗 郡俗居當衝道者多於門上直釘一虎頭扁書泰山石敢當五字按庚信小園賦鋪宅

神以蘊石倪璠註淮南畢萬術曰埋石四隅家無鬼急就篇曰石敢當顏師古註敢當言所當無敵也今宅有衝射處書此蓋取以禦煞星耳惟泰山二字不知何本 負屈莫白詣神前發誓者曰賭咒執旌雞管

斬其頸者曰斫雞取藏經布地赤身滾其上呼冤求報者曰滾經以肩輿扛神像至屈者門晨夕奠酒求報者曰憑神彼家或適有死者曰獲報矣否則遲久始息李鳳田居蠶室錄謂憑神無大害賭咒斫雞滾經

三者十九出於無賴之徒言極切直 土人被屈急辨不明往往熱油鼎謂理直者探入鼎中其手無恙愚

人信以爲然每致焦潰其膚此習近日尙有之按撈油之說見峒溪織志本苗獠陋習不可爲訓 與人共事慮有反覆殺雞以血滴酒中共飲之謂之飲雞血酒其人永無改移趙翼簞屨雜記謂水西土目有此習鄙人爲此者亦復不少 村市各有場場有定期五日一次有一六者有二七者有三八四九者入市交易曰趕場按趕場之說見蜀語由來已久

苗蠻

銅仁苗蠻率以寨計有與漢民分寨而居者有自相毗連至數十寨不等者所居多幽阻險隘之地自爲風氣前明設府以來其窳遠者土司不能轄順治十五年知府梁懋宸率衆至銅鼓灘攻殺之追逐數十里苗始知懼康熙年間副將賀福寶築邊牆開道路附近之地始隸版圖雍正八年吏目張文炳把總張作志爲苗虜戕九年討平之乾隆六十年石柳鄧叛平定後改松桃爲直隸廳更設苗弁自守備迄外委一百餘名隸以苗兵聽其約束由是風俗頓改飲食衣服與漢無殊其俊秀者誦詩讀書且有列庠序登科者舊染汚俗咸與維新矣志苗蠻 昔高辛氏有犬戎之寇帝患其侵暴而征伐不剋乃訪募天下有能得犬戎之將吳將軍首者賜黃金千鎰邑萬家又妻以少女時帝有畜狗其毛五采名曰槃瓠下令後槃瓠銜人首造闕下羣臣怪而診之乃吳將軍首也帝大喜而計槃瓠不可妻以女又無封爵之道議欲有報而未得所宜女聞之以爲帝令不可違信因請行帝不得已乃以女配槃瓠槃瓠得女負而走入南山止石室中所處險絕人跡不至於是女解去衣裳爲僕豎之結著獨立之衣帝悲思之遣使尋求輒遇風 霹晦使者不得進經三年生子一十二人六男六女槃瓠因自相夫妻繼續木皮染以草實好五色衣服製裁皆有尾形其母後歸以狀白帝於是使迎致諸子衣裳斑斕語音侏僂好入山壑不樂平曠帝順其意賜以名山廣澤其後滋蔓號曰蠻夷外癡內黠安土重舊以先父有功母帝女田作買販無關梁符傳租稅之賦有邑君長皆賜印綬冠用獼皮名渠帥曰精夫相呼爲媿徒今長沙武陵蠻是也通志 在邵陽者爲紅苗有五姓吳龍石麻白麻白近湖廣界吳龍近四川界石惟郡境有之近來族類既繁姓氏亦雜舊志 苗人每數百長驅馳劫村寨或數十羣伏草擄掠凡掠去男女必多備財物以贖之金少將被擄者加以非刑有馬枷木靴之類苦不堪言舊志 苗人服飾五姓皆同青布裹頭衣尙青短僅蔽膝男著褲女著裙裙多至數匝百褶

福祚甚風不舉盛飾時用斑絲常惟青布近則少婦多用淺藍亦名月藍縮髻以簪博可七八分富者以
 銀絲作假髻兩旁副以銀笏形仿鳳翎鬢髻然冠於首平常墜耳之環大幾及肩項束銀圈多至七八圍貧
 者以銅為胎外鍍以銀穉女亦然女未嫁者青布蒙首以髮為辮縮於帕外男女皆跣足近頗仿漢制閒用
 鞋其男之黠者裝束全與漢民同惟女不弓足而已被用花斑甚短女亦嫻紡織所織斑布精緻古雅堅韌
 耐用其與漢民居相近者言語皆與漢民同松桃志 苗地亦有五穀山種為多牲畜不宰皆培殺以火去毛
 微實帶血而食之遇病不服藥專以祭為事舊志 每歲四月初八日合男女於野謂之跳月預擇平壤為
 月場及期男女皆更服飾裝男編竹為簫笙吹之而前女振鈴繼於後以為節並肩舞蹈迴翔婉轉終日不
 倦暮則挈所私歸謔浪笑歌比曉乃散新書 婚姻用媒約名曰牙郎先議定財禮將乘牙郎照議送至女
 家女家受之名曰接財禮至日女之姊妹等送女歸男家貧富均不用轎但以繖罩新婦步行至男家不揖
 不拜即登火舖與新婿對坐苗巫喃喃致祝授以飯男女對食亦庶幾共牢遺意間有新婦不願奔回本家
 者松桃志 每歲五月寅日夫婦各宿不敢言不出戶以避鬼恐致虎傷舊志 苗人死枕尸於火舖就其
 足豎二木竿達於瓦名曰升天歛用棺悲哭終月親戚來弔富者助以牛酒貧者酒米將死者所遺衣裝
 像擊鑼鼓羣相歌舞名調鼓下地延苗巫擲雞子以定吉凶謂之雞卦亦有用水節劈為二片而占者名曰
 曝木卦葬畢以土培墳其形長松桃志 苗家無祖龕以碗櫃為上其祭之大者揀曠坦地延苗巫鼓歌集
 親族於場椎牛宴樂賀禮惟至親最重餘以次而減向以十一月為年節祭亦從同近均用正月與漢民無
 異松桃志 凡出劫富者出牛酒以集衆有獲同分遇殺死則出銀以償之名曰倒人頭錢被掠者必索命贖
 自剗撫後皆馴服矣通志 嘉慶元年平定苗匪男皆雉髮衣帽悉仿漢人惟項帶銀圈一二圍亦多不留
 鬚者女苗頭必裹布耳帶大環項帶銀圈自一二圍以至十餘圍不等上著窄袖鑲花邊下著褶裙無中衣
 不裹足近城女苗閒學漢裝苗語難解而通漢語者亦衆弗通者則借通事傳語苗民讀書者少務農者多
 亦作技藝不習商賈女苗習耕種勤紡織養家蠶織板絲絹及花布錦以為業婚姻喪葬與漢人漸同秋收
 後則禱神還願祈禱各寨延巫師跳端公聚族宰牛宴飲為樂或延至二三日不止置產貸銀皆用契券狡
 者亦或偽造昔所稱五月寅日避鬼恐致虎傷之說則已不聞大抵紅苗性最剽悍重財輕命知禮義者少

雀鼠微嫌睚眦小怨輒聚衆持械一日成仇累世不忘名爲白冤家又或提人拷打勒錢以贖惟不提歸婦人懼與其母家爲仇黠苗相鬪往往以婦人先相爭者多以喫血解或因本入喫血難馮則指名其親族某入喫血盟誓名爲喫血延巫請神以監之大則宰牛狗小則用雞貓喫血後永無反覆苗俗尙鬼故也近年頗知畏法惡俗漸更而餘風猶未盡泯 黔南雜記

古蹟 塚墓附

昔鄧道元作水經注於殘壘廢宅多引以爲證佐則古蹟誠考鏡之資也銅仁宋元郡縣廢置不常明初設

府規模備茲就見聞所及略爲考辨其有舊志所未載者亦增入之庶嗜古者有所取證云爾志古蹟

廢萬安縣 在府治西武后垂拱二年置天寶元年更名常豐隸錦州宋廢 通志 廢銅仁大小江長官司

在府治西南元置隸都勻定雲安撫使明廢 通志 省溪壩場長官司 在府治西九十里舊志 提溪

長官司 在府治西一百四十里 廢瑤洞長官司 置廢年無考 廢勒舍長官司 元置尋廢 舊志

廢榕溪梔子坪長官司 元置明廢 舊志 廢德明洞長官司 在府治西北元置隸思南安撫使尋

廢 舊志 廢大萬山蘇葛辨長官司 在府治南八十里明置尋廢 通志 分巡撫苗道署 在府治後舊

爲書院明提學毛科建萬歷十一年更爲分守道署副使錢拱宸增修爲巡道署國朝康熙二年缺裁 舊志

總兵署 在府治西南明萬歷十一年總兵郭成移鎮北門後改設參將駐防更建署於城外今燬 舊志

推官署 在府志右明永樂時建國朝康熙六年缺裁 舊志 巡檢署 在正大營康熙開建乾隆六年改

爲縣丞署屬銅仁縣巡檢缺裁 舊志 察院行署 在府治西長官李淵舊宅今燬 舊志 布政使司分司

署 在府治西今燬 舊志 府社學 在府治西今燬 舊志 縣社學 在府治西今燬 舊志 陰陽學

今燬 舊志 太平溪金場 明永樂十二年置宣德八年廢 舊志 晏公祠 在漁梁灘今燬 舊志

諸葛營 在城西十里有武侯屯營故址 通志 按蜀志章武元年先主伐吳吳將陸議李異劉阿等屯巫

耆歸將軍吳班馮習自巫攻破吳等軍次耆歸武陵蠻夷遣使請兵二年先主於夷道猊亭駐營自猊山通

武陵遣侍中馬良安慰五溪蠻夷咸相率嚮應馬良傳以馬良爲侍中及東征吳遣良入武陵招納五溪蠻

夷蠻夷渠帥皆受印號咸如意指會先主敗績於夷陵良亦遇害是入武陵者良也是役也武侯以丞相領

司隸校尉留守成都不在行間何得有屯營之事亮本傳云建興三年亮率衆南還考其經由寶道越雋故表云五月渡瀘宜不出此况先主軍敗之後所分荊州三郡地皆入吳終蜀漢之世不能復也武侯更無由得經此地疑良誤爲亮音近字譌耳 廣濟橋 在府治北不知建自何時康熙開副將賀國寶重建更名

廣嗣舊志 衆思堂 在府治西半里宋湖北常平使張惇建蘇軾有記一絕志 按熙甯五年命章惇經制荆湖蠻蠻皆入地是時郡隸荆湖北路尙無銅仁之名所謂湖北者非今湖北也惇與蘇軾同時則張惇乃

幸惇之誤衆思堂後譌爲螽斯塘明行人陳珊別業珊多子故以螽斯名塘其實音傳之誤 紫雲菴 在府治西五里紫雲山今燬 正覺寺 在府治東門內元時漁者得三銅人建寺以供之今燬銅人移供

觀音閣尙存 銀箔菴 在府治西文筆洞側今燬舊志 青蓮界 在府治西文筆洞外明萬歷開都督鄧鍾建鍾與僉事劉觀光有倡和詩刻石壁 授時樓 在府署前知府陽顯嘉慶今燬舊志 續遠樓

在東山明嘉靖時知府李資坤建提學吳國倫有詩今燬舊志 稽舞樓 在道署左明萬歷卅五年副使張斗建國朝副使張扶龍重修今燬舊志 虛受堂 在格舞樓下扶龍易名樂取今燬 迎官亭 在

府治南五里今燬舊志 川上亭 在東山明參議蔡潮建顏曰舞雲遐思今毀舊志 觀得亭 在總兵署內今毀舊志 跨鼉亭 在府治西南銅巖上明正德十一年參議蔡潮建國朝康熙八年知縣趙景福

重建四十九年知府蘇稷易名曰小金山嘉慶十二年知府徐正青重修之 火鐘亭 在東山寺有火災僧擊以告警今毀舊志 既濟祠 在太乙山麓明知府魏文相建國朝康熙九年知縣趙景福重修易

名曰水星閣 豐樂亭在水星閣後乾隆四十九年知縣王光顯建有自撰序書壁上字畫模糊尙可認識 雙峯閣 順治十七年知府梁懋宸建今毀舊志 養惠堂 在縣署右明萬歷廿六年建國朝康

熙八年知縣趙景福重修 藏書室 在東山麓前明饒氏舊宅有石洞穹而深石壁鑄此三字 洗墨池 在藏書室右石上鑄此三字 蓮華菴 在天臺山不知建自何時康熙三十七年知府卞三

公往遊徐聞有記 蓮池菴 在府治東二十里康熙初僧無相建按無相明季顯宦明亡爲僧 通明殿 在梵淨山山頂有碑係萬歷四十六年戶部郎中李芝彥撰文碑稱重建則梵宇由來久矣惜未載明

創始年代 三元閣 今毀舊志 水月菴 在小寨菴左石壁高約十丈闊如之上有故明逸臣遂甯

殿 在梵淨山山頂有碑係萬歷四十六年戶部郎中李芝彥撰文碑稱重建則梵宇由來久矣惜未載明創始年代 三元閣 今毀舊志 水月菴 在小寨菴左石壁高約十丈闊如之上有故明逸臣遂甯

呂大器題云丁亥暮春予自閩粵奉二親家此時同行爲國史檢討方君子宣相與臨流陟峻選勝挹幽終日不倦遂開此亭之勝豈曰曲水修禊亦猶白下新亭之會也夏五月朔日亭成與諸名士落之以待來者字跡朗然遊賞甚衆 松桃志 楊再從宅 宋開寶間土司楊再從好道有丐者題詩門柱其字以水洗之不去以刀刮之益顯明洪武十四年祀 松桃志

承流宣化坊 在府治南今燬 舊志

銅江通濟坊 在府治南今燬 舊志

江通雲夢坊 在府治東今燬 舊志

山接蠶叢坊 在府治西今燬 舊志

金殿傳臚坊 在府署左歷科進士建今燬 舊志

玉堂先兆坊 在府署右歷科舉人建今燬 舊志

大造斯文坊 在聖廟前今燬 舊志

塚墓

戴子美墓 在提土洞梅姓宅內按子美宋紹興間以功授省溪長官司沒後配饗黑神 楊再從墓

在正大營將軍山按再從宋開寶間襲平頭長官司沒後爲神土人稱爲天龍相公 陳牛酸墓 在府

治東四里俗名天地人配許氏合葬按牛酸明正德間人名無考牛酸其字也相傳地爲徐宰六所卜許四

世科第後如其言鄉里至今豔稱之 徐宰六墓 在府治西半里俗名草裏蛇配田氏合葬按宰六明

正德間諸生善青烏術常爲陳姓卜葬即郡人所稱爲天地人者也陳姓以墓地報之後宰六子孫亦累世

通顯爲郡望族 羅光祿墓 在胡家堡碑載明光祿大夫羅公墓國史少保兼太子太師定番侯男聯

芳嘉靖三年立石按光祿郡人名無考 王閻氏墓 在府治北曹家園按閻氏明嘉靖時人爲乙酉舉

人王蘭配郡人鄉舉自蘭始葬後子臣亦領鄉薦 陳珊墓 在蓼溝橋按珊明嘉靖癸丑進士郡人進

士自珊始 郭繼山墓 在文筆洞側明萬歷時人碑載明封朝議大夫郭某墓以子養性貴贈如其官

郭養性墓 在望城坡距府治八里俗名鳳形地按養性明萬歷間舉人官湖廣岳州府知府家巨富郡人

雲路坊 在聖廟前今燬 舊志

崇正學坊 在聖廟左今燬 舊志

育真才坊 在聖廟右今燬 舊志

貞烈坊 明嘉靖十五年爲劉氏三烈建今燬 舊志

驄馬繡衣坊 明御史楊如皋建今燬 舊志

弈世恩綸坊 明天啓時按察使徐穆請封父母

建今燬 舊志

稱爲郭十萬相傳地師卜葬後目忽瞽乞郭姓周給之郭日以富子孫忘前言地師令於墓傍圍石城家頓
落今城址尙存 喻政墓 在毛溪按政明萬歷乙未進士官福建漳州府知府 喻教諭墓 在府
學節孝祠後舊有碑載明河南衛輝府淇縣教諭喻某墓今碑燬忘其名 劉應辰墓 在府治西二里
按應辰明萬歷壬子舉人官知府碑載明劍州守斗樞府君墓斗樞應辰字也今其後尙蕃盛 黃建中
墓 在檀木凸按建中明萬歷戊子舉人官雲南按察使司副使黃氏譜謂官按察使誤 鄧光沅墓
在文筆洞側卽都督鄧鍾子有鍾自誤墳志 萬任墓 在照壁巖按任明崇禎甲戌進士官御史國朝
康熙間卒碑載前明巡視四門御使碑字劉落後人以爲巡撫四川誤 楊嫌墓 在府治西對岸按嫌
明萬歷己酉舉人官直隸灤州知州在任殉難賜祭墓贈光祿寺少卿

銅仁府志卷之二

城池 街巷場市附

營建 城池 公署 壇廟

銅仁建自前明其地山勢環繞周於四圍小江迤西而南匯大江以下達於楚湘黔東一大郡治也我朝屢經兵燹皆保無恙同治初年苗教各匪疊來窺撲守陣者禦之裕如雖曰人力亦以地利扼其險要實操常勝之權也茲幸萑苻斂迹全境肅清然瓴甃之役不以時清而弛其險凡茲守土當毋忘金湯之鞏固也志

城池 銅仁府 明景泰二年府朱鑑建土城嘉靖二十二年知府李資坤擴大之砌以甃石二十

八年思州府知府李允簡重修周圍三百六十九丈高一丈六尺門七東曰景和上南曰來禧正南曰文昌

下南曰迎薰西曰阜城上西曰賓陽北曰拱辰節經兵火樓燬燬國朝順治十五年知府梁一宸重修上南

正南下南城樓通志景泰二年知府朱鑑建土城後漸次擴之嘉靖九年三省苗叛二十二年知府李資坤

相東北隙地廓大之周圍增至二百六十九丈高一丈六尺城內廣袤九里三分梁口一千七百三十六層

臺甃石屹然堅固民恃無恐二十八年苗復叛參議楊傑檄思州府知府李允簡即舊址重修之為門七後

又增水門二共九門今止八門門各有樓年久城樓盡燬國朝順治十五年知府梁懋辰重建上南中南下

南等門並城樓皆燬俸不費閩絲粟康熙九年補修乾隆三十七年重修上南門城樓道光三年知府陳

兆熙補修舊志同治五年知府陳枚增築東北門炮臺二各門小炮臺二十八每梁十修硝棚一共棚一百

七十三光緒十二年知府王憲曾補修

按通志謂府城舊有門七舊志謂後增水門二共九門今止八門不言增自何時所增二門係何名志亦不

言考舊志南門有三曰上南即今江宗門也曰正南即今中南門也下南今闕西門有二曰上西即今便水

門也正西今闕東北各門一合之為門七今府城有後水門老東門東門共九門除老東門已閉外實八門

志謂增水門二其一為後水門無疑其一疑即今東門也或謂今東門闕於嘉慶初年纔謂不然舊志係道

光三年修距開東門時未久何以無一語及之且志所謂九門者除考東門外別無城門則東門與後水門

必同時所增修也或又謂東門係陸路非水門也不知今東門距東關甚近東門內外居民皆汲東關水飲

之則東門實水陸通衢也 東曰景和亦曰迎旭下南曰迎薰亦曰文明中南白文昌亦曰承薰上南曰來

同二守志

城池

禮亦曰朝宗俗名江宗後水曰咸甯西曰阜成亦曰阜安上西曰賓陽亦曰永清俗名便水北曰拱辰亦曰懷遠 銅仁縣 附郭光緒九年移治江口尙未建城

公署

語曰署者位之表也夫重欄復雷冬暖夏涼所以肅觀瞻表尊崇也銅仁公署建自前明我朝屢加修葺悉臻完善縣署近更改建較勝於前詩曰無已太康職思其居此居可弗思歟志公署 皇殿萬壽聖節及元旦冬至朝賀俱在江西會館行禮未足以昭敬謹乾隆二十七年恭建 知府署在正南門內明永樂十一年建正統十四年燬于苗成化三年知府陽顯嘉重建嘉靖八年知府葛鴻增修萬歷十二年知府方範十七年知府鄭應齡二十四年知府張錫相繼補修明末圯國朝康熙四年知府梁懋宸重建乾隆四十三知府莊有儀改修舊志中為大堂左翼為官廳右為門子房前露臺前甬道中一坊恭懸御頒清慎勤三字背書爾俸爾祿民膏民脂下民易虐上天難欺十六字左為吏戶禮房右為兵刑工承發房前儀門外右為蕭曹祠左為土地祠左折為獄前頭門榜銅仁府三字左右為鼓樓前照牆左右為轅門大堂後為二堂左右有翼室其東為雙桂軒下堂階而南歷門入一廊有桂樹二前有樹今折燬軒外有池古柏一不知代所植相傳有神每歲春秋仲月知府親祭而為射亭府試武童校射於此光緒十二年知府王憲曾重建何榜曰觀德廳二堂後為內署左右兩廂階下花木羅列右廂後為廚舍門子房外為府倉屬繚以垣 經歷署 在府署右明建燬國朝康熙間重建乾隆三十七 補修 教授署 在府學內 訓導署 在義學內嘉慶二年撥駐松桃署燬 省提長官司吏目署 在江口光緒九年改為縣治移駐萬山鄉 平鳥長官司吏目署駐平頭司嘉慶二年改隸松桃 巡檢署 在正大營後移駐磐石營道光十二年缺裁 知縣署 在府城便水門內明萬歷二十三年建久圯國朝康熙九年知縣趙景福重建 志 大堂前為露臺下為甬道中立戒石坊坊前為儀 內左吏戶禮房右兵刑工承發房前頭門榜銅仁縣三字左土地祠右獄大堂後為二堂左右房六間以三間為花廳三間為書室又其後為內署外為縣倉通環以牆光緒二年署知縣謝紹曾重修九年移治江口改為中軍都司署 新治在江口中街本 舍同治初年燬於賊尙未建屋光緒七年候補知縣歐陽墀相度地勢卜建於此規模與舊署同而雄壯過之 典史署 在縣署

壇成豐五年燬於賊同治十三年典史楊沅雁重修光緒九年移駐江口改爲左軍千總署新治在縣署右
教諭署 在縣學內新治尙未建署 訓導署 在縣學內新治尙未建署 縣丞署 在松桃雍正十二
年建嘉慶二年移駐止大營改巡檢署爲之 銅仁協副將署 舊在治北一百二十里嗣朝雍正九年
建嘉慶副將舊駐銅仁雍正九年移駐松桃署爲廢地改建銅江書院 隆六十年苗亂事平添設武職改
書院仍爲協署 舊志中軍都司署 康熙間建雍正十二年移駐松桃原署爲右軍守備署乾隆六十年苗
亂事平改爲中軍都司署 舊志 咸豐五年燬光緒九年改縣署爲之 左軍守備署 在正大營舊在協
署前國朝雍正九年移建 通志 右軍守備署 在滑石嘉慶間建 舊志光緒九年移駐江口 在射鴻
街 左軍千總署 在東門內咸豐五年燬賃居民舍光緒九年改典史署爲之 右軍千總署 在都司
署側咸豐五年燬光緒九年移駐滑石營改守備署爲之 右軍把總署 在北門內 行臺 在新城嘉
左六年建咸豐五年燬
慶廟寺觀附

禮祀之典肇自唐虞後世推廣其義凡災捍患及有功於民社者皆得列於秩宗之饗所以遵

王制迓神庥匪僅奉行故事已也至於名宦鄉賢忠義節孝例設祠祠春秋致祭其有祀典未載著有靈蹟
廟貌威嚴赫然如在又何不可一一臚陳以見神棲有所卽民受其庇也已志壇廟 大清會典凡祭三等

零祀社稷爲大祀先師孔子先農先蠶天神地祇太歲爲中祀先賢賢良昭忠等神爲羣祀 凡祀期春秋
二仲祈禱社稷以戊釋奠於先師以丁仲春饗先農以亥 遇天寒用季春 昭忠祠及羣祀皆卜吉祭日均質明

行事 凡牲四等社稷太牢配位同神祇均太牢先師先農之祀如之配位少牢羣祀如之牛色尙黝大祀
入滌九旬中祀三旬羣祀一旬 凡樂四等七奏以祭社稷饗先農如之六奏以饗先師祀神祇如之 凡

祝版祭社稷白質蠶書太歲以下均白質蠶書 凡祭器社稷玉爵配位用陶先農陶爵豆登簋蓋利尊同
凡齋大祀二日中祀三日 頒勅羣臣誓戒百執事恭審於版王公陳設于前 文武士陳設于公署王

公百官均於私第致齋齋戒之日不刑名不燕會不聽樂不入內寢不問疾弔喪不飲酒茹葷不祭神不
掃墓有疾有服者皆勿與 凡直省壇廟各督撫飭守土官察其境內之應修者計費申報咨部動項葺治

工竣請銷其祭器未備以及歲久殘闕者亦請有司按數修造以供祀事

忠烈祠宇有傾圯應修者地方有司動本省公項葺治報部覈銷

銅仁廟社稷壇 銅仁縣社稷壇 銅仁縣社稷壇 銅仁縣社稷壇

於壇上正中近南距壇邊二尺五寸止露圓尖餘埋土中神牌二以木為之朱漆青字高二尺四寸廣六

寸座高五寸廣九寸五分臨祭設於壇上牌一書州府社之神居東一書府州社之神居西歲春秋

仲月上戊日致祭 祭品每案制帛十黃色一丈八尺爵三羊一豕一簋二饗以黍稷蠶一二蠶以稻粟刑一蠶以

祝文 惟神奠安九土粒食萬邦分五色以表封圻育三農而蕃稼穡 恭承守土蕭展明禋時屈仲春

秋敬修祀典庶瓦其松柏鞏磐石於無疆翼黍苗佐倉箱於不匱尙鑒 神祇壇 銅仁縣社稷壇 銅仁縣社稷壇

位歲以春秋仲月諏日致祭雍正十一年頒行神祇壇祀典築城之北郊座向南方地壇制度與社稷壇同

無石志 按漢唐宋風雷雨各壇以祭未曾合而為一亦未嘗及雲洪武二年詔風雷雨各壇合為一壇六

年又以山川共為一壇後又以城隍共祭一壇國朝因之於隆二十二年陝西巡撫陳宏謀咨稱社稷壇定

期春秋仲月上戊致祭山川壇祇載春秋仲月末奉定載祭日等語禮部議覆山川之神與社稷壇同日致

祭 祭品風雲雷雨神位前制帛四山川神位前制帛二城隍神位前制帛一俱白色帛一丈八尺羊豕蠶豆簋

簋與社稷壇同 酒尊風雲雷雨神位前制帛三山川神位前制帛六城隍神位前制帛二仍舊制儀注與社稷壇同 禮部

祝文 惟神贊襄天澤福祐蒼黎佐靈化以流行生成永賴乘氣飄而鼓盪溫肅攸宜磅礴高深良保安

貞之吉憑依鞏固資捍禦之功幸民俗之殷盈仰神明之庇護恭修歲祀正值良辰敬潔豆籩祇陳牲幣

尚饗 先農壇 在府治東五里國朝雍正五年奉旨建 志 大清會典凡饗先農之禮奉天

府尹直省督撫率所屬府州縣均歲以仲春吉亥行耕耨禮各於治所東郊建先農壇朝服行禮 祭品制

帛一白色羊豕銅籩豆簠簋與社稷壇同雍正四年頒行先農壇祀典藉田四畝九分壇高四尺一寸寬二丈五尺壇後建正房三間配房各一間正房中間供奉神牌東間存貯祭器農具西間收貯藉田米穀配房東間置辨祭品西間令看守農民居住壇廟藉田之外周圍築土為牆門南向神牌與社稷同紅牌金字填寫先農之神農具赤色牛黑色耕種箱青色所用耕種悉照各處土宜每年仲春月候禮部頒吉舉行陳設儀注與社稷同各官穿朝服行禮換蟒袍補服耕藉正印官秉耒佐貳執青箱播種用耆老人牽牛農夫二人扶犁九推九返農夫終畝耕畢各官率耆老農夫望闕行三跪九叩禮

祝文

惟神肇興稼穡粒我蒸民頌思文之德克配彼天念率育之功陳常時夏茲當東作咸願先疇

洪惟九五之尊歲舉三推之典某恭膺守土敢忘勞民僅奉舞章聿修祀事惟願五風十雨嘉祥恆沐於神麻庶幾九穗雙岐上瑞頻書乎大有尙饗耕藉儀注祀先農禮畢各官俱蟒袍補服司旗八人執青旗

分東南負牆立司鼓八人載田鼓分石西負牆立司旗相間司鉦八人引銅鉦分東西立於旗鼓之前樂工八人立於東西二區之中儘南耕則隨樂往來作樂節唱贊一人立於東西二區之中儘北唱贊一人行耕藉禮

引贊生引引府縣官就耕所諸執事官牧夫耆老農人等序立神路東西兩旁皆南向行九推禮進犁進犁者

以犁進進鞭進鞭者以鞭進秉耒官秉耒初推司鉦者司鉦一聲司旗者搥鼓司鼓者壘鼓不疾不徐均節樂

樂工歌詩牧夫農人引牛行佐貳官執青箱隨後播種一進一反爲一推司鉦者鳴鉦一聲初推竟二推三推

至九推皆如之九推禮畢停犁進犁者承犁釋鞭進鞭者各承鞭各官升觀耕臺農夫終畝畢行賞頒耆農牧夫

等有差謝思各官就位望闕序立行三跪九叩首禮禮畢按雍正十一年歲以十二月上戊日於先農壇

致祭入蜡之神乾隆十年奉文停止零祭乾隆七年頒行零祭禮每歲孟夏行常零禮不另立零壇即

於先農壇行禮並合祀社稷山川諸神牌位風雲雷雨牌居中社牌左稷牌右山川牌次左先農牌次右祭

畢仍奉神牌安置各原處祭品風雲雷雨神位前制帛四山川位前制帛二俱白色社稷神位前制帛

先農神位前制帛一俱黑色各羊豕銅籩豆簠簋與社稷壇同惟酒尊風雲雷雨制十二山儀注與社稷壇同

左右次左次右五位祝文恭膺詔命撫育羣黎仰體彤廷保赤之誠勸農勸稼俯惟慈屋資生之本力稽田

藏尙饗附御史徐以之典惟寅將事用伸守土之忱黍稷惟馨尙冀昭明之受賜來牟率育庶俾豐裕於蓋

今甲爰頒聿舉祈年升疏古有雩祭之典逢亢旱則又有雩請做古禮每年屆期擇日致祭偶遇亢旱即於此望告嶽瀆海嶽及山川龍出雲雨者倘有雨水過多請照祭法祭水旱之例亦於雩壇致禱停止僧道諷經下禮都議歷代旱雩之禮皆七日一祈唐制斟酌較善宜更參訂孟夏龍見擇日行常雩禮旱則從各壇祈禱旱甚乃大雩雨足則報祀或已齋未祈而雨及曾禱祈禱者皆報祀齋期祭品俱如常儀久雨祈晴仿春秋左傳伐鼓用牲于社及文獻通攷祭國門之禮視水旱最多之門而祭仍不止則伐鼓用牲祭于社祈求晴雨之止照例禁止屠宰不理刑名其直省府州縣孟夏擇日行常雩禮或有亢旱亦皆七壇先祭界內山川次祭社稷不雨仍祈禱如初但不得用大雩之禮亦不必另設雩壇其社稷藉田等舊籍日遠可以恪恭將事其或遷濼為災則伐鼓用牲祭祭城門以祈晴霽俱照舊行儀則奉旨依議附直隸布政使沈啓光議常雩每歲常行之禮酌照部行各府州縣於風雲雷雨壇致祭合祀社稷先農之神祭日迎各神牌安設壇內若因旱而雩則依仿唐制每七日先祭界內山川次祭社稷不雨仍祈禱如初再外省求雨先祭海神龍王誠以海為水府龍為水神禮以義起也嗣後因旱求雨應於山川雷雨壇先就祈禱每日清晨素服減從詣壇行香七日不雨祈社稷壇七日仍不雨復祈山川壇如初至如境內東嶽城隍等廟雖非方祀應仿京師致告顯佑宮之意分令各行香祈禱間禁屠宰而祭必以牲用昭特殺部議甚明自應遵用少牢不得仍用蔬供簡嗇其先期致祭齋與常雩同咨準部覆飭屬一體遵行 祭祭乾隆七年頒行祭祭禮歲旱祭雩祈雨潦則祭祭城門祈晴禮同雩祭既應而報祀禮亦同 祭品制帛一白色羊一豕一爵一惟祭門用牲 祝文 詔命臨饒職司守土惟兆人之攸賴並藉神功奠四序之常調羣蒙福蔭必使雨暘應候爰占物阜而民安庶其寒燠咸宜共慶時和而歲稔仰靈樞之默運聿集嘉祥襄元化以流行俾無菑害尙饗 厲壇制仁 附府祭在府治北 通志 ○○○年頒行厲壇祀典壇制高三尺五寸周二十五步南為壇門每歲春清明日秋七月望冬十月朔致祭官齋戒補服備香燭詣城隍前就位一跪三叩詣神位前獻爵讀告文復位一跪三叩禮畢陳設城隍牌位於壇上祭品用羊一豕一饌與社稷同無庸無祀鬼神牌位設於壇下左右相向祭品用羊一豕一解作設置於磁盤酒三湯三飯五肉五儀注承祭官就位一跪三叩詣城隍牌位前跪 三爵興復位一跪三叩禮畢 告城隍文 某州縣遵承禮部筭付為祭祀

本府州縣 無祀鬼神事該欽奉皇帝聖旨普天之下后土之上無不有人無不有鬼神人鬼之道幽明雖殊其理則一今國家治民事神已有定制尙念冥冥之中無祀鬼神昔爲生民未知何故而沒其間有遭兵刃而死者有死於水火盜賊者有被人取財而逼死者有被人強奪妻妾而死者有遭刑禍而負屈死者有因牆屋傾墮而厭死者有死後無子孫者此等鬼魂或終于前代或沒于近世或兵戈擾攘流移于他鄉或因牆屋傾墮而厭死者有死後無子孫者此等鬼魂或終于前代或沒于近世或草附木或作爲妖怪悲號于星月之下呻吟于風雨之時凡遇人間節令心思陽世魂杳杳以無歸身墮沈淪意懸懸而望祭與言及此憐其慘悽故勅天下有司依時享祭命本處城隍以主此祭緝控壇場鑿察諸神等類其中果有生爲良善誤遭刑禍死于無辜者神當達于所司使之還生中亦永享太平之福如有素爲兇頑身免刑憲雖獲善終亦出僥倖神當達于所司屏之四外善惡之報神必無私欽奉如此某等不敢有違謹于某年某月某日于城北設壇置備牲酒湯飲享祭本府州縣 無祀鬼 等衆然幽明異境人力難爲必須神力庶得感通今特移文于神先期分遣諸將召集本府州縣 闔境鬼靈等衆至日悉赴壇所普享一祭神當欽承勅命緝控壇場鑿察善惡無私昭報爲此合行牒移請照驗欽依施行 祭無祀鬼神文

惟年月日具官某等遵承禮部劄付爲祭祀本府州縣 闔境無祀鬼神等衆事該欽奉皇帝聖旨普天之下后土之上無不有人無不有鬼神人鬼之道幽明雖殊其理則一故天下之廣兆民之衆必立君以主之君總其大又設官分職於府州縣以各長之各府州縣又于每百戶內設一里長以綱領之上下之職綱紀不紊此治人之法如此 天子祭 天地神祇及天下山川王國各府州縣祭境內山川及祀典神祇庶民祭其祖先及里社土穀之神上下之禮各有等第此事神之道如此尙念冥冥之中無祀鬼神昔爲生民未知何故而沒其間有遭兵刃而橫傷者有死于水火盜賊者有被人取財而逼死者有被人強奪妻妾而死者有遭刑禍而負屈死者有天災流行而瘟疫死者有爲猛獸毒蛇所害者有饑饉而凍死者有因戰鬥而殞身者有因危急而自縊者有因牆屋傾墮而壓死者有死後無子孫者此等孤魂或終于前代或沒于近世或成兵戈擾攘流移於他鄉或人煙斷絕久缺其祭祀姓名泯沒於一時祀典亡闕而不載此等孤魂死無所

依精魂未散結為陰靈或倚草附木或作為妖怪悲號于星月之下呻吟於風雲之時凡遇人間節令心思陽世魂杳杳以無歸身墮沈淪意懸懸而望祭典言及此憐其悽慘故勅天下有司依時享祭在京都有泰厲之祭在王國有國厲之祭在各府各州有郡厲之祭在各縣有邑厲之祭在一里又各有鄉厲之祭期於神依人而血食人敬神而知禮仍命本處城隍以主此祭欽奉如此今某等不敢有違謹設壇於城北以三月清明日七月十五日置備牲醴羹飯專祭無祀鬼神人民如有忤逆不孝不敬六親有姦盜詐偽不公法者均曲詐直欺壓善良者有躲避差徭靠損貧戶者似此頑惡奸雄不良之徒神必報於城隍發露其事使遭官府輕則笞杖斷不得號為良民重則流徒絞斬不得生還鄉里若事未發露必遭陰譴使舉家並染瘟疫六畜田蠶不利如有孝順父母和睦親族畏懼官府遵守禮法不作非為善良正直之人神必達於城隍陰加護佑使其家道安和農事順遂父母妻子保守鄉里我等合州官吏如有上欺朝廷下罔良善貪財作弊蠹政害民者靈必無私一體昭報如此則鬼有神監察之明官府非諛詔之祭尚饗 句芒之神

春在十二月望後芒神執鞭牛前日先立春一日長官朝服率僚屬於東郊祀句芒之神禮畢迎春歸駐署儀

正月朔當牛腰正芒神執鞭牛前日先立春一日長官朝服率僚屬於東郊祀句芒之神禮畢迎春歸駐署儀

門外至日各官朝服祭句芒用牲果酒醴四拜禮畢長官擊鼓三聲執彩鞭率各官環擊土牛者三郡人競

取其土以為宜年 迎春祝文 惟神司令元春參贊化育祛除寒威漸回溫煥雨順風調禾登麥熟百穀

順成羣黎蒙福今於某日恭詣東郊先期迎神駕敬告 鞭春祝文 化工造物無私無愆雷動風散雨潤

日暄以時宣布歲則有年民為邦本食乃民天四時之序春令為先敢告尊神發動春鞭 旗幟之神 先

霜降一日武弁戎服於校場致祭 文廟 崇聖祠 名宦祠 鄉賢祠 忠義孝弟祠節孝祠以上俱詳學校

闕帝廟 在府治東南建燬國朝光緒十六年副將賀國賢重建祀蜀漢前將軍漢壽亭侯關公後主景

耀三年謚壯繆宋崇甯元年封忠惠公大觀二年封武安王宣和五年封義勇武安王崇甯得道真君南宋

建炎二年封壯繆義勇王淳熙十四年封英濟王明萬歷四十年封三界伏魔關聖帝君神威遠鎮天尊國

朝順治元年封忠義神武雍正三年追封三代曾祖光昭公祖裕昌公父成忠公乾隆二十五年改封神勇

三十二年加封靈佑嘉慶十九年封仁勇咸豐二二二六七年加封護國保民精誠綏靖七年御書萬世人極

匾額頒各直省闕帝廟一體懸掛光緒五年詔於忠義神武靈佑仁勇威顯護國保民精誠綏靖贊二十

五年詔於忠義神武靈佑仁勇威顯護國保民精誠綏靖贊二十

五年詔於忠義神武靈佑仁勇威顯護國保民精誠綏靖贊二十

字外敬加宣德二字 大清會典凡祀關帝之禮歲以春秋仲月諏吉官祭關帝於地安門外之西關帝廟
仲夏中甸三日遣官致祭前殿後殿直省府州縣春秋二仲及仲夏中甸三日俱祀關帝牲帛禮儀均與京
師關帝廟同咸豐三年十一月二十四日內閣奉上諭禮部等衙門議奏關帝升入中祀禮節一摺我朝尊
崇關帝祀典攸隆仰荷神威疊昭顯佑本年復加崇封號並升中祀茲據禮部等衙門詳覆禮節謹擬具奏
著照所議自明年春祭為始悉照中祀禮舉行樂用六成舞用八佾以昭崇奉而答神庥餘依議欽此咸豐
五年內閣奉上諭太常寺奏遵查關帝先代應否推崇加封請旨一摺前以關帝神威顯佑特加封號並升
入中祀茲據太常寺查明關帝先代封爵並應否援照文廟崇聖祠加封請旨定奪自應敬謹加封以示尊
崇關帝曾祖光昭公著加封為光昭王祖裕昌公著加封為裕昌王父成忠公著加封為成忠王所有應辦
事宜著該衙門查例具奏欽此 前殿 忠義神武靈佑仁勇威顯護國保民精誠宏靖翊贊宣德關聖大
帝祭品制帛一白色爵三登一鉶二簠二簋二饗十豆十牛一豕一尊一鑪一鐙三儀注與祭文廟同
仲夏生日致祭不設籩豆陳果盤五與以桃荔枝龍眼棗栗餘與春秋祭同 後殿 曾祖光昭王 祖裕昌王 父成
忠王 按雍正四年部議以關帝先代名氏未詳引孟孫氏配饗崇聖之例止書爵號不書名氏後祠設主
不塑像附關帝先代諱字考筠廊偶筆載康熙十七年解州有濬井者得巨甕乃紀侯之祖考兩世諱字告
州牧朱旦旦作關侯祖墓碑記載侯祖諱審字問之考諱毅字道遠此記作於康熙間距雍正三年追封三
代時已四十餘載部臣應亦見之特典禮鄭重未敢據以為定耳且曾祖諱仍無考不如止書爵號之為得
也祭品制帛三白色爵九簠二簋二饗八豆八羊一豕一鉶二尊三鑪一鐙二儀注與祭崇聖祠同
祝文 惟神星日英靈乾坤正氣允文允武紹聖學於千秋至大至剛顯神威於六合仰聲靈之赫濯崇
典禮於馨香茲當仲春秋用昭時饗惟祈昭格克鑒精虔 五月十三日告祭祝文 惟神九宇承庥
兩儀合撰崧生嶽降湖誕聖之靈辰日午中天屆恢臺之令節聰明正直一者也千秋徵胥蠶之隆感德大
業至矣哉六幕肅馨香之薦爰循懋典式展明禋苾芬時陳精誠鑒格尙饗 後殿祝文 惟王世澤
覃庥令儀裕後靈鍾河嶽篤生神武之英試溯淵源宜切尊崇之報班爵超躬桓而上升香俎豆之陳茲際

仲春秋爰修祀事尚祈昭鑒式此茲芬 五月十三日告祭祝文 惟王迪德承家累仁昌後崧生嶽降識
毓聖之有基本水源宜推恩之及遠封爵特超於五等馨香永薦於千秋際仲夏之屆時命禮官而將事
惟祈昭格鑒此精虔 文昌廟 在東山上推官韓宗愈建 禮部則例凡直省春秋致祭文昌廟均
與關帝廟祭儀同謹案嘉慶六年五月遵旨奏準致祭文昌帝君仿照關帝定制列入祀典定以二月初三
日聖誕爲春祭秋祭另行擇吉一切儀注祭品等項均照關帝典禮其各直省春秋致祭之處亦照關帝之
例由該地方官敬謹致祭是年太常寺奏準文昌帝君三代姓名查無確據未便請加封號謹擬增製神牌
一分面書文昌帝君先代神位字樣赤地金書清漢合璧咸豐六年十一月十一日內閣奉上諭嘉慶六年
欽奉諭旨文昌帝君主持文輝福國佔民崇正教關邪說靈蹟最著海內崇奉與關聖大帝相同允宜列入
祀典用光文治當經禮部太常寺奏準一切禮節祭品均與關帝廟同見在關聖帝君已升入中祀文昌帝
君應一體升入中祀以昭誠敬一切典禮著該衙門妥議具奏欽此二十六日內閣鈔出奉上諭禮部等衙
門奏遵議文昌帝君升入中祀典禮開單呈覽一摺文昌帝君升入中祀前朔一日著遣親郡王行告祭禮
春秋二祭俱著卜吉舉行二月初二日聖誕即照關帝聖誕禮節並毋庸禁止屠宰一切禮儀祭品樂
章祝文均著照所議備辦應行酌改工程及預備各項著工部於明年春秋前趕緊辦齊以昭誠敬欽此
前殿 文昌帝君 祭品制帛一白色登一銅二牛一豕一簋簋蓮豆與關帝廟同 後殿 文昌帝
君先代祭品制帛一白色羊一豕一銅二簋簋邊豆與關帝廟同 祝文 惟神道闡苞符性敦孝友並行
並育德侔天地以同流乃聖乃神教炳口星而大顯仰鑒觀之有赫示明德之惟馨茲當仲春秋用昭時享
惟祈敬格克鑒精虔 二月初三日告祭祝文 惟神功參稟籥撰合乾坤溯誕降之靈辰三臺紀瑞慶中
和之命節九宇承暉若日月之有光明闡大文於孝友如如天地無不覆載感邅治於馨香爰舉上儀敬陳
芳薦精禋罔斁神鑒式昭尚饗 後殿 二月初三日告祭祝文 惟文昌帝君道備中和神超亭毒稟貽謀
而允紹欽毓聖之有基雲漢昭回際嶽降崧生之會馨香咸格興水源本本之思式肇明禋用光彝典尚祈
神鑒享此清芬 後殿原祝文 祭引先河之義禮崇返本之思矧夫世德彌光賞延斯及祥鍾累代炯列

宿之精靈化被千秋緯人文之主宰是尊後殿用答前庥茲當仲春秋肅將時祀用申告潔神其格歆尙饗
火神廟 在府治東南乾隆二十一年令有司歲以季夏月下旬三日致祭承祭官蟒袍補服行二跪六叩
禮迎神上香奠帛讀祝三爵爵送神望燎告禮成退 祭品制帛一白色 爵三劍一簋二簋二籩四豆四羊

一豕一尊一鑪一鐙二果蠶五實以桃荔 枝龍眼棗栗 祝文 惟神德著離宮光昭午位廣陽亨之神象啓文明彰燮

理之能功參化育土以生而水以濟丙丁之大用常昭府既修而事既和虞夏之九功惟敘麗茲萬物實賴
化成又我生民咸資利用仰邀神貺度答鴻庥爰遵祀事之儀式叶春禮秋嘗之典肅陳牲幣敬布几筵尙饗

原祝文 恭惟尊神正位離明體陰用陽配坎福民有功民社祀典崇新茲屆仲春秋敬薦豆馨惟望神靈
默佑心曜含精上報懷柔之盛世下錫康吉於蒼生刳牲酌酒神其鑒此一誠尙饗

龍神廟 在府治東南火神右側雍正五年奉上諭龍神散布霖雨福國佑民功用顯著朕在京虔設各省
龍神像位爲各省祈禱今思龍神專司各省雨澤地方守土大臣理應虔誠供奉朕特造各省龍神大小二

像著各省督撫迎請供奉本地虔誠展祀乾隆二十四年貴州巡撫周人驥請定外省龍神祠祭祀日期經
禮部議覆照京師祭龍神祠日期於春秋仲月辰日致祭祭品儀注悉照永定河神廟之制先期齋戒一日

不理刑名陪祭官赴廟省牲行一跪三叩禮祭日承祭官蟒袍補服行二跪六叩禮沈祝帛行沈祝帛禮
祭品制帛一白色羊一豕一爵三簋二簋二籩四豆四尊一鑪一鐙二 祝文 惟神德洋寰海澤潤蒼生

允襄水土之平經流順軌廣濟泉源之用膏雨及時續奏安瀾占大川之利涉功資育物欣庶類之蕃昌仰
藉神庥宜隆報享謹遵祀典式協良辰敬布几筵肅陳牲幣尙饗

城隍廟 在中南門內國朝康熙四年建舊志明洪武二十六年令每歲春秋二仲附祭于山川壇風雲雷
雨山川居左城隍居右每厲祭則主之宣德八年定例新官到任以羊豕各一祀于城隍廟凡旱潦祈禱必

虔告之 祝文專祭即用文 惟神德懋聰明功隆捍禦壯金湯于千載崇墉表畿甸之規範風雨於四時和
會佐歲功之敘禍淫福善顯呈有赫之靈威阜物康民默相無私之化育神庥庇蔭祀典宜昭敬揀日時肅

陳牲幣馨香惟德鑒格在茲尙饗

奎星樓 在東山上道光二年知府陳兆熙建每歲春秋戊祭畢教官至樓行禮 祭品制帛一白色爵一

鑪一鐙二果盤五實以核桃荔枝龍眼棗栗

天駟廟 俗名馬王廟在府治東南火神左側祀馬祖按爾雅天駟馬也周禮春祀馬祖夏祭先牧秋祭馬社冬

祭馬步注馬祖天駟也先牧始養馬者馬社始乘馬者馬步神為災害馬者後世皆以四仲月舉行祀事此

王禮也其在外者率專祭馬祖云

東嶽廟 在府治東門外康熙十五年建祀泰山之神按通甲開山圖泰山在左亢父在右亢父知生梁父

主死博物志泰山一名天孫言為天帝之孫主召人魂魄知生命之長短漢書方技傳許峻云嘗篤病二年

不愈乃謁泰山請命諸說為今人禱祝東嶽之所本

炳靈公廟 在東嶽廟內按五代史後唐長興四年封東嶽三郎為雄威將軍建康志宋大中祥符元年

封炳靈公道家謂神係東嶽長子陳祖範云世所傳為火神也那人患瘡疥者以豬肝雞子祀之輒愈

聖母廟 在東嶽廟內按顧炎武山東考古錄世人多以碧霞元君為泰山之女後之文人知其說之不經

而曲引黃帝遣玉女之事以附會之不知當日褒封固以為泰山之女也今考封號雖自宋始而泰山女之

說西晉以前已有之俗誤為眼光聖母凡患目疾者禱之

痘神廟 在東嶽廟內梁章矩楹聯叢話古無出痘之說唐會昌中泉州陳黯有詠痘花詩載文苑英華此

痘事之始見於書者今則為實區通病矣神不知何人俗名痘娘娘未知何據

雷祖廟 在東山上祀雷公電母每年六月二十四日神誕郡人釀金致祭

飛山廟 一在東山下一在北門城外已燬康熙間副將賀國賢重建 舊志按神為楊再思土人多誤為楊

業鄧顯鶴與楊芳論年譜書謂再思由淮南丞遷辰州長史結營飛山與李克用同受昭宗衣帶詔徵兵來

奉為誠州刺史稱令公考令公為楊業之種宋史楊業本傳業并州太原人在邊防二十一年契丹憚之六

子皆貴顯延昭尤驍勇善戰昭子文廣為廣西鈐轄英宗曰文廣名將後且有功擢成州團練使世稱楊氏

世將後人因其姓同時同官同所官之地成州與誠州音復相同遂誤以為業耳靖州志再思為宋誠州刺

史楊通寶之祖嘗有功於郡宋紹興三十年封威遠侯淳熙十五年封英濟侯嘉定十年封廣應侯國朝嘉慶元年銅仁苗變神顯靈應奉旨頒賜宣威助順匾額

五顯廟 一在協警左側一在江宗門外舊志按五聖不可考或曰神救母得成正果與目連事相類在佛乘中為華光藏王妙吉祥如來或曰周禮小宗伯禮五帝於四郊漢儀祠五祀宋朝明堂圖五方帝位於昊天之側從之以五人蓋神為五行之真氣故祀之俗傳明太祖封與殤五人為伍血食天下為五通國朝康熙二十五年江蘇巡撫湯斌奏除五聖淫祠凡祠宇及人家所奉者悉行撤毀雍正間復奉旨禁祀逾義志

引靈應集云神以五名即金木水土火與天地相為本始又專司火政是以里社皆崇奉之

閻王廟 在九顯廟右側 川主廟 在江宗門外 舊志祀蜀太守李冰及子二郎華陽國志周滅後秦孝文王以李冰為蜀守蜀志神為隋嘉州太守多惠政能入江斬蛟以除水患唐封神勇大將軍又封赤

城王立廟灌口宋張詠治蜀因亂禱祠得神助事平以聞封川主清源妙道真君續文獻通攷元至順元年封冰聖德應裕英惠王子二郎英烈昭惠顯靈仁佑王國朝雍正五年封冰敷澤興濟通祐王二郎承續廣

惠顯英王或以為封神演義中之楊戩謬 張桓侯廟俗名三義宮 在北門內祀蜀漢車騎將軍領司隸校尉新鄉侯張飛明初賜額詔有司春秋祭之今罷祀

楊令婆廟 在府治東十里黃蠟關祀楊業妻余氏按業妻為折德辰之女見關中金石錄俗作余氏謬又以業稱令公遂稱業妻為令婆尤謬

高古大王廟 在府治東八里高古大王不知何神每歲旱禱雨輒應 公安廟一名三寶宮 在後水門祀如來佛 老郎廟 在城隍廟內按神為唐元宗或曰後唐莊宗每

年神誕日優人等醮金致祭 孟公廟 在龍魚鄉相傳神為蜀漢孟獲苗人度祀之 土主廟 在北門外已燬重修

萬壽宮 在西門內康熙閒江西客民建祀晉旌陽令許遜按續列仙傳許遜字敬之南昌人 太平廣記生

而穎悟從吳猛得秘法以修煉為事晉太康初為旌陽令尋棄官歸遇譙姥傳以道術遂斬蛟除民害慮豫

章爲蛟螭所穴乃於牙城南井鑄鐵爲柱下施八索鉤鎖地脈自是水妖屏迹又周行江湖諸郡殄滅毒害乃歸隱精修至甯康二年一百三十歲舉家飛昇雞犬隨之宋崇甯間封神功妙濟眞君顯額曰王隆萬壽至今稱其廟曰萬壽宮 贊化宮 在萬壽宮內祀唐呂洞賓嘉慶十一年封變元贊運警化孚佑眞君勅各直省建立贊化宮春秋崇祀儀節與文昌同 蕭晏二公廟 在萬壽宮內按重增搜神記蕭公名曰軒沒於宋咸淳間鄉民立廟于新淦縣之太洋洲明永樂十七年封水府英佑侯晏公名戊仔清江縣人元初廟選入官以病歸父老立廟祀之明洪武初封平浪侯二公皆水神也俗傳還遺命一事未知何據

軒轅殿 在萬壽宮內 天符殿 在萬壽宮內 禹王宮一名福壽宮 在北門外湖南北客民建祀夏禹 伏波廟 在禹王宮內祀東漢新息侯諡忠成馬援

天后宮 在中南門內福建客民建按晉安志神姓林莆田都巡檢林愿之季女生於五代末少靈異能知禍福年未三十卒累著靈驗凡航海者必載其主舟中遇風濤有禱輒應若呼天妃神必冠帔而至恐稽時刻呼媽祖則立應媽祖者閩人室女之稱也或蝶或鵲或燈光見則險夷而利涉矣重增搜神記謂神係莆田林氏女母陳氏兄弟四人俱棄買往來海島間一日女手足若有所失瞑目移時父母以爲暴疾急呼之女醒曰何不使我救全兄弟乎迨兄弟歸言前日颶風大作長兄漂沒于是相傳此女出神救兄以爲異張學禮册封琉球記謂神姓蔡氏未知何據宋宣和間封靈惠夫人明永樂間封天妃國朝康熙十九年平定臺灣神顯靈助順靖海侯施琅奏加封號三十三年封護國庇民妙靈昭應宏仁普濟天后

武侯祠 在東山上祀蜀漢丞相諡忠武諸葛亮 尹公祠 在銅江書院內祀漢儒尹珍每歲春秋仲

月山長率諸生致祭乾隆間增祀署知府陶萬達知府鄒錫彤同治間增祀巡撫曾璧光黎培敬署貴東道

陳枚 石公祠 祀明總兵石邦憲今燬 三烈祠 在江宗門內祀明劉仁妾郭氏張氏女辰

秀兵燬重建 四公祠 在東山上祀大學士雲貴總督一等忠銳嘉勇貝子福康安四川總督一等宣勇

伯和琳雲貴總督勒保貴州巡撫馮光熊 王公祠 在新城乾隆間建祀知府王日杏

沈公祠在便水門內乾隆間建祀通判沈文鏐 周公祠 在江宗門內道光間建祀知府周作楫附

祀學政鍾裕知府楊書魁同治十三年增祀署貴東道陳枚知府林式恭 朱公祠 在江宗門外五顯廟內祀知縣朱思榜 周公祠 在東門外同治九年建祀儘先副將周洪福接洪福湖南乾州人記名提督

洪印同懷兄累功保副將同治五年苗亂洪印時為西路統領奉調援黔洪福率師前進至黃蠟關馬陷泥瀟中為賊所害事聞卹贈如例郡人立祠祭之 昭忠祠 在東門外道光三年都司伍正榮建祀貝子福

康安及殉難諸人 福德祠 在東門外 東山寺 在城東南明正德間參議蔡潮建後燬國朝康熙四十四年重建乾隆末燬於火大學士貝子福康安重建 觀音寺 在西門外長官李椿建已燬重建 金

鱗寺 在城西南三里寺外有石類魚形名曰金鱗游泳為銅江十二景之一 迴龍寺 在便水門外祀天龍相公按神姓楊名再從宋開寶間襲平頭長官司好道術沒後屢著靈異郡人立祠祀之 馬麓寺

在敖寨洞 穿巖寺 在敖寨洞 報恩寺 原名通明殿在梵淨山明萬歷四十六年勅建道光十二年重修護國寺 在梵淨山麓 羅江寺 在梵淨山麓 承恩堂 在梵淨山麓 釋迦殿 在梵淨山

壩梅寺 在梵淨山麓 鎮國寺 在梵淨山麓 丹霞殿 在梵淨山麓 文武殿 在中華山天慶寺 在梵淨山麓 天林寺 在梵淨山麓 九皇殿 在梵淨山麓

諸天閣 在下南門外同治九年大水神像漂沒 準提閣 在文筆洞半山今燬 水星閣一名旣濟祠在城東半里 觀音閣 在城東半里康熙間副將賀國賢建 奎星閣 在東山上光緒十六年署府曹昌

祺重建 凌雲塔 在正人峯上光緒十六年知府馮壽賜 會郡紳建修 彙隱菴 在東山上知府梁懋宸建今燬 蓮池菴 在城東十五里康熙間僧無相建 快樂菴 在城東二十里康熙間僧無相建今燬

蓮華菴 在城東十里 伏魔菴 在伏魔山 壩單菴 在城東六里 水靜菴 在北門內 永樂菴 在江宗門外光緒初建 永興菴 在北門外 雙林菴 在魚梁灘 青竹菴 在茶山塘

胡氏宗祠 在協署左 李氏宗祠 在協署左 張氏宗祠 在北門內 郭氏宗祠 在龍井巷周氏宗祠 在協署右 洪氏宗祠 在協署右 蔣氏宗祠 在福仁坊 唐氏宗祠 在西門內

宋氏宗祠 在協署右 羅氏宗祠 在龍井巷 姚氏宗祠 在新城 譚氏宗祠 在協署左石氏宗祠 在新城 萬氏宗祠 在後水門內 潘氏宗祠 在中南門內

樊氏宗祠 在道劫下街
何氏宗祠 在江宗門內
向氏宗祠 在中南門內

楊氏宗祠 在後水門內
舒氏宗祠 在江宗門內
陳氏宗祠 在北門內

銅仁縣 在縣署後
難土八立祠祀之

社稷壇 在縣署後
香山寺 在縣署後

神祇壇 未建
大佛寺 在十字街今改爲卓山書院

先農壇 未建
文峯 俗名紅廟在閩家場

厲壇 以上各壇舊附府台祭光緒九年移治江口尙未落成
城隍廟 光緒八年建

文廟 在後水門新治未建
王爺廟 在壩盤鄉陝西客民建

關帝廟 未建
英烈祠 祀明沐璜按神爲西平
禹王宮 湖南北客民建

街巷 只載府城內者
侯沐英弟洪武時征省溪司苗殉

太平街 在中南門內
桐梓巷 在下南門外

清平街 在西門內
謝家橋 在扣容鄉距府治十

陳家巷 在中南門內
卜口場 在平茶鄉距府治十

萬家巷 在後水門內
開泰場 在六家洞距府治十

白家巷 在後水門內
木弄場 在平茶鄉距府治三

寶舖巷 在東門內
平茶場 在平茶鄉距府治三

羅家巷 在後水門內
壩盤場 在壩盤鄉距府治七

道劫中街 在後水門內
金真場 在教寨洞距府治五

張家巷 在後水門內
薩望場 在提士洞距府治一

張家巷 在後水門內
快場 在苗羅洞距府治一

張家巷 在後水門內
正六角 距府治六十里四

場市

萬山莊 在萬山鄉距府治七

茶店場 在魏帕洞距府治三

大坪場 在魏帕洞距府治七

牛場坡 在魏帕洞距府治五

凱德傍 在司新洞距府治一

太平場 在苗羅洞距府治一

官墳場 在苗羅洞距府治一

桃映場 在桃映鄉距府治七

小江口 在龍魚鄉距府治三

牛郎場 在龍魚鄉距府治六

閩家場 在提和洞距府治一

滑石營 在坡頭鄉距府治二

川洞場 在坡頭鄉距府治二

大興場 在坡頭鄉距府治四

客窠場 在客窠鄉距府治三

溪口場 在桃映鄉距府治四

桃映場 在桃映鄉距府治七

小江口 在龍魚鄉距府治三

牛郎場 在龍魚鄉距府治六

正六角 距府治六十里四

